



ახალი გენათილეა

14-20.03.2019

№8 (842) გახმოილს 1998 წლიდან

www.akhaliganatleba.ge



გვერდი 8

ახალი სკოლის მოღვაწე

თაბაგანი: ახალი სკოლის მოღვაწე ახ ნიშნავს იმას, რომ ყველაფერი ახალი იწყება და აქამდე მასწავლებლებს ახალი უკეთესობა. ძალიან ბევრი იმეორებს, ბევრი გააქეთეს, მაგამ ახალი მოღვაწე იმით ახის ახი, რომ ამ ყველაფერს მოგანიზებულ სახეს აძლევს, მათ აღაჩ უნვთ ქაოსური მუშაობა. მასწავლებელი მშვიდია, თავის სასწავლო ჰყოცეს თვითონ მასთან, მაგამ, ამავე-ხოჯად, ახ ახის სისტემიდან ამოვადნილი.

ნილო სინაბაძე: სულ ცოტა, სამჯე მინც შეიცვალა და ახლობი-ვად დაიხვენა ის ძიითადი ინსტიტუტები, რომელიც ახლა სამუ-შაოდ გვაქვს აღებული. პილოტიზებამ ისიც აჩვენა, რომ თვისები-ვად და ახლობივად ახალი შეცვილია. ყველაზე მთავარი კითხ-ვაა, ხომოხ შეძლოს მასწავლებელმა მოსწავლეებამდე მთავარი მიზნების უფრო გასაგებად და საინტეხსოდ მიტანა.

გვერდი 2

ინტერვიუ ქეთევან ჭკუასელთან
თუ მასწავლებელი არ
გყავს, ქვეყანას ვერ
ააშენებ

ქუჩის სუბილქ

სოფელ დაჩაქოვის
საჯალო სკოლის მასწავლებლის,
ტანაი ხახაბუნიანის
გაქვეთილი მათემატიკაში



გვერდი 5

ქართული პარლამენტარიზმი – 100



რაფორმა

ახალი სკოლის მოდელი

რა იცვლება სკოლისთვის, მასწავლებლისთვის, მოსწავლისთვის

ლალი თვალაბიძე

„ახალი სკოლის მოდელი“ განათლების სისტემაში დაგეგმილი რეფორმის მნიშვნელოვანი ნაწილია. მისი მიზანია პიროვნებაზე ორიენტირებული საგანმანათლებლო გარემოს შექმნა, რომელიც მოსწავლეს 21-ე საუკუნის რეალობისთვის საჭირო ცოდნასა და უნარ-ჩვევებს მისცემს. ეს სიახლე I-IV კლასებს შეეხება, მომზადდა სასკოლო კულტურისა და მე-4 კლასის მოსწავლეთა აკადემიური მიღწევების შეფასების ინსტრუმენტები.

შეფასების ინსტრუმენტები, საბილოტე რეჟიმში, უკვე გამოცადა და დაიხვეწა. შემდეგი ეტაპია 50 სამიზნე სკოლაში არსებული საწყისი მდგომარეობის შეფასება და შესაბამისად, განვითარებაზე ორიენტირებული ცვლილებების შექმნა. სასკოლო კვლევის კულტურის შეფასება სამიზნე სკოლებში უკვე დაწყებულია. ტესტების მომზადება დასრულდა და, უახლოეს მომავალში, ამავე სკოლებში, საგნობრივი აკადემიური მიღწევებიც შეფასდება. სამიზნე სკოლებში ეს შეფასება ყოველწლიურად ჩატარდება, მისი მიზანია წინსვლის გაზომვა და საჭიროებების დადგენა სათანადო დახმარების გასანებებლად. შეფასების კომპონენტს საქართველოს განათლების, მეცნიერების, კულტურისა და სპორტის სამინისტროსა და გამოცდების ეროვნული ცენტრის წარმომადგენლები უძღვებიან.

„ახალი სკოლის მოდელი“ დანერგვისთვის პედაგოგები და სკოლები აქტიურად ემზადებიან. 50 სკოლის მხარდაჭერი ჯგუფების მომზადებაც ინტენსიურად მიმდინარეობს. განათლების, მეცნიერების, კულტურისა და სპორტის სამინისტროში დასრულდა ტრენინგები, რომლის ფარგლებშიც, მხარდაჭერი ჯგუფები გადამზადდნენ. ტრენინგი რამდენიმე მოდულიდან შედგებოდა, მომავალში მისი ჩატარება რეგიონებშიც იგეგმება.

მხარდაჭერი ჯგუფების მთავარი ამოცანაა, დაეხმარონ სკოლებს სასკოლო კლიმატისა და სწავლა-სწავლების ხარისხის გაუმჯობესებაში. ისინი, I-IV კლასების პედაგოგებთან, სკოლის ბაზაზე, ქოუჩინგის პრინციპით იმუშავებენ შემდეგი ძირითადი მიმართულებებით: სასკოლო სასწავლო გეგმის განვითარება და დანერგვა; სკოლის მართვის ეფექტიანი მიდგომების განვითარება; ციფრული ტექნოლოგიების ინტეგრირება სწავლა-სწავლების პროცესში.

ტრენინგებს უძღვებოდნენ საქართველოს განათლების, მეცნიერების, კულტურისა და სპორტის სამინისტროს სკოლამდელი და ზოგადი განათლების განვითარების დეპარტამენტის ექსპერტები და მასწავლებელთა პროფესიული განვითარების ეროვნული ცენტრის ტრენერები. მხარდაჭერი ჯგუფები, ეტაპობრივად, მუშაობას მათთვის შერჩეულ სკოლებში განაგრძობენ.

რას შეცვლის ახალი სკოლის მოდელი სკოლისთვის, მასწავლებლისთვის, მოსწავლისთვის? მოახდენს თუ არა სასკოლო გარდატეხას ზოგადი განათლების სისტემაში? რით იყო საინტერესო მხარდაჭერი ჯგუფებისთვის ჩატარებული ტრენინგები? – ამ შეკითხვებით მივმართეთ ტრენინგის მონაწილე მასწავლებლებს.

„ახალი სკოლის მოდელი არ ნიშნავს იმას, რომ ყველაფერი ახალი იწერება და აქამდე მასწავლებლებს არაფერი უკეთებოდათ. ძალიან ბევრი იმუშავეს, ბევრი გააკეთეს, მაგრამ ახალი მოდელი იმით არის კარგი, რომ ამ ყველაფერს ორგანიზებულ სახეს აძლევს – რამდენიმე მიმართულება რამდენიმე ცნების სახით ყველა საგანში, რაზეც უნდა იმუშაოს მასწავლებელმა მთელი წლის განმავლობაში. მას აღარ უნებს ქაოსური მუშაობა, დღეს ეს გააკეთოს და ხვალ ის, იფიქროს იმაზე, რომელი უნარ-ჩვევა განვითარდეს მოსწავლეს, ცოდნა მისცეს თუ ტექსტი მოასწროს (ქართულის სახელმძღვანელოში იმდენი ტექსტია), იგი თავისუფლდება ამ ყველაფრისგან, იცის, რომ აქ მნიშვნელოვანი ის კი არ არის, რამდენი ტექსტიც არის ქართულის სახელმძღვანელოში, იმდენი მოასწროს, მთავარია, მოსწავლეს მისცეს ყველაზე მნიშვნელოვანი, თუნდაც ის უნარ-ჩვევა, რაც მას ნებისმიერი ტექსტის ნაკითხვისას გამოადგება. ლოგიკური აზროვნების თვალსაზრისითაც, ნებისმიერ საკითხზე მუშაობისას, მოსწავლეს სწორი წარმოდგენები და შეხედულებები ჩამოუყალიბოს. ასაკის მიხედვით, რამდენიმე მთავარი საკითხია ცნებების სახით გამოყოფილი, რაზეც ამ ოთხი წლის განმავლობაში მუშაობენ. მასწავლებელიც მშვიდია, თავის სასწავლო პროცესს თვითონ მართავს, მაგრამ, ამავედროულად, არ არის სისტემიდან ამოვარდნილი. ძალიან მარტივდება საგანთაშორის ინტეგრაცია, თემები და ცნებები ისე უკავშირდება ერთმანეთს, რომ მასწავლებელი ადვილად ახერხებს ერთი საკითხის სხვა საგანთან დაკავშირებას, ტრანსფერის არეალის ცალკე გამოკვეთით და ა.შ.“ – ამბობს თვა გაბისონია, თბილისის 151-ე საჯარო სკოლის პედაგოგი.

„ნებისმიერი ახალი მოდელი, განსაკუთრებით განათლება-

ში როცა შემოდის, რა თქმა უნდა, ეფუძნება წინარე კვლევებს, რომლებიც, თავის მხრივ, გულისხმობს კონკრეტული პრობლემების გამოკვეთას და შემდეგ მათი მოგვარებისკენ, დალაგებისკენ მიმართულ ქმედებას. უკვე წლებია, საკმაოდ კარგად გამოკვეთილია პრობლემები, ერთ-ერთი, მათ შორის, არის საკმაოდ დაშორება გრძელვადიან მიზნებთან – ნაცვლად იმისა, რომ მოხდეს ცოდნის ადაპტირება, ტრანსფერი ცხოვრებისეულ სიტუაციებთან და სათანადო უნარებზე ჩამოყალიბება, თითქოს დაიკარგა კავშირი მიღებულ ცოდნასა და პრაქტიკულ გამოცდილებას შორის. უფრო მეტი აქცენტი დეკლარატიულ ცოდნაზე კეთდება. რა თქმა უნდა, არის მცდელობა, რომ მოსწავლეს გამოუმუშავდეს უნარები, ანუ მუშაობა პროცედურული ცოდნისკენ იყოს მიმართული და იმ მოსაზრებასაც ვეთანხმები, რომ კარგი პედაგოგები ყოველთვის, ყველა დროში ძალიან კარგად ასრულებენ თავიანთ მოვალეობას, თუმცა, ეს ახალი მიდგომა მათ ცოტა ახალ მიმართულებას აძლევს. კერძოდ რას? – სწორება იყოს გრძელვადიან მიზნებზე, არ ჩავიციკლოთ მოკლევადიან, კონკრეტულ, საკავშირებო ქვემიზნებზე. ამ გრძელვადიან მიზნებზე სწორებით უნდა გააქტიურდეს პირობისეული ცოდნა და დავეხმაროთ მოსწავლეს გაიზაროს მიღებული ცოდნა-უნარების ღირებულება – რაში სჭირდება, როგორ გამოიყენებს ცხოვრებაში, სად, რა ფორმით და რასთან კავშირში შეძლებს მიღებული ცოდნის რეალიზებას. როცა მოსწავლე ამ ყველაფერს გააცნობიერებს, სულ სხვა შინაგანი მოტივაცია და ინტერესი აღეზრება. – ამბობს ლია ცერცვაძე, ზურაბ ჟვანია სახელობის სახელმწიფო ადმინისტრირების სკოლის სახელმწიფო ენის პროგრამის განვითარების კონსულტანტი (ქუთაისი). – რაც შეეხება პედაგოგებს, მათი რუტინული, ე.წ. „ქალაქდომბინა“ ჩანაცვლება წარმოსახვით, კომპლექსური გააზრებით, ისინი დაინყებენ ფიქრს იმაზე, როგორ გააჩინონ მოსწავლეებში შინაგანი მოტივაციის, შექნილი უნარების და გარემოსთან ადაპტირებული ცოდნის თანხვედრა, გარკვეული კომპლექსური ერთობა. მოკლედ, ახალი სკოლის მოდელი უნდა გზა უნდა გამოაჩინოს განათლების სისტემაში, რომელიც ჭეშმარიტი შედეგებისკენ ნავიგირებს.“

დალი ოსეფაშვილი საგარეჯოს მუნიციპალიტეტის იორმულანლოს საჯარო სკოლის ქართული ენის მასწავლებელია, პროგრამის „არაქართული ენის სკოლების განვითარების მხარდაჭერის“ კონსულტანტ-მასწავლებელი. მისი აზრით, ახალი სკოლის მოდელი მასწავლებელს აძლევს საშუალებას, განაახლოს თავისი გამოცდილება, ცოდნა, უნარი. „ვიცი, რომ განათლება არ არის მუდმივი, ერთ ადგილას არ დგას, მუდმივად იცვლება, იზრდება, ყალიბდება. მასწავლებლებს უნდა ებრძოთ ახალი მიდგომებისადმი საკუთარი დამოკიდებულებები, ზოგი თვითონ ქმნის კლასში რაღაც ახალს. ახალი სკოლის მოდელი მათ ამის ფორმულირების, დემონსტრირების საშუალებას მისცემს. მოსწავლეზე ორიენტირებულობა მასწავლებლის წარმატების საინდიკატორია და მისი პროფესიონალიზმის ნიშანია, როცა მის მოსწავლეს შეუძლია თავისუფლად იაზროვნოს, გამოხატოს თავისი დამოკიდებულებები, შეძლოს იმ ცნებებისა და მკვიდრი წარმოდგენების გააზრება, რასაც მასწავლებელი ასწავლის.“

ერთია, რას ასწავლის მასწავლებელი და მეორეა, რას სწავლობს ბავშვი. „არაქართული ენის სკოლაში, როცა მოსწავლეს რას და რატომ სწავლობს, როცა მასწავლებელი ავებინებს რატომ არის მნიშვნელოვანი მისთვის სწავლა, ეს უკვე გვაძლევს იმედს, რომ მომავალში, როდესაც ეს ბავშვი დაამთავრებს სკოლას, საზოგადოების სრულფასოვანი წევრი იქნება და შეძლებს ადაპტირებას იმ გარემოში, სადაც მოუხდება ყოფნა. ბავშვს სკოლიდანვე მივცემთ არჩევანის, საკუთარი აზრის ჩამოყალიბების და განმტკიცების საშუალებას, ამის წინაპირობა კი სათანადოდ მომზადებული მასწავლებელი უნდა იყოს, მუდამ განხილი სახლისთვის, მზად იმისთვის, რასაც აკეთებს, მისცეს გარკვეული ფორმულირება, მიმართულება. მისი შრომა არ უნდა იყოს ცალმხრივი, მასწავლებელსა და მოსწავლეს შორის უნდა იყოს ტანდემი, მათ უნდა იმეგობრონ, ითანამშრომლონ. მნიშვნელოვანია, ასევე, მშობელთა ჩართულობა. ეს ჯაჭვი – მშობელი-ბავშვი-მასწავლებელი – ისე უნდა აიწყოს, რომ ამ სამ რგოლს შორის მუდმივი კომუნიკაცია იყოს.“

გრძელვადიანი მიზნები ერთგვარი ბაზაა, როგორ მოემზადოს მოსწავლე სხვა საფეხურზე გადასვლისთვის, იქნება ეს სასკოლო საფეხური თუ ცხოვრებაში დამოუკიდებლად გასვლის საფეხური. ეს არის ახალი მოდელის მთავარი პრინციპი, ფაქტობრივად, ამაზეა აგებული მოდელი და ჩვენც სწორედ ამაში შეგუწყობთ ხელს მასწავლებლებს. პროგრამის ექსპერტები არ ვასწავლით, არ ვახვევთ თავს რაღაც იდეებსა და აზრებს, უბრალოდ, სწორ მიმართულებას ვაძლევთ იმ ქმედებებს, რასაც მასწავლებლები საგაკვეთილო პროცესში ახორციელებენ. მნიშვნელოვანია, რომ მოსწავლე არ იყოს პასიური მსმენელი და სკოლაში მოვალეობის მოხდის მიზნით არ დადიოდეს – მომცეს დავალება და შევასრულე. მთავარია, რატომ დანერგა ეს დავალება, რატომ ისწავლა ეს გაკვეთილი და რაში გამოიყენებს, ეს უნდა ჰქონდეს გააზრებული. როცა მასწავლებელი ამას მიიტანს მოსწავლემდე, რა თქმა უნდა, შედეგი უკეთესი გვექნება. ზუსტად ეს არის შედეგზე ორიენტირებული, მოსწავლის ინტერესების და შესაძლებლობების გათვალისწინებით მიღებული ცოდნა და გამოცდილება.“ – ამბობს დალი ოსეფაშვილი.

ოზურგეთის პირველი საჯარო სკოლის პედაგოგ მია მგერელიშვილი მიაჩნია, რომ ახალი სკოლის მოდელის ერთ-ერთი პლუსი ის იქნება, რომ მასწავლებლებს აღარ მოუწევთ ყოველდღიური გეგმების წერა. გაინერება გრძელვადიანი მიზნები – რა უნდა აკეთოს მასწავლებელმა ერთი საფეხურის განმავლობაში,



რა მიზანს მიაღწიოს, რა შედეგზე გავიდეს მოსწავლე, „ეს არის მთავარი. აუცილებელია, ყოველი ახალი ცოდნა ძველ ცოდნაზე დაშენდეს, კონსტრუქტივისტული ცოდნის მიცემაა მთავარი.“

განვლილი პილოტირების და ტრენინგების ერთგვარი შემჯავბელები შეფასება ვთხოვეთ ეროვნული სასწავლო გეგმების დეპარტამენტის სამოქალაქო განათლების ექსპერტს ნიკო სილაგაძეს. მან გვითხრა, რომ 150-ე სკოლაში, რეალურად, ახალი მიდგომის განსახორციელებლად საჭირო რესურსების დახვეწა-განვითარების პილოტირება განხორციელდა, რომლის მიმდინარეობისას, ბევრი რამ შეიცვალა.

„სულ ცოტა, სამჯერ მაინც შეიცვალა და არსობრივად დაიხვეწა ის ძირითადი ინსტრუმენტები, რომელიც ახლა სამუშაოდ გვაქვს ალბუმი. პილოტირებამ ისიც აჩვენა, რომ თვისებრივად და არსობრივად არაფერი შეცვლილა. ყველაზე მთავარი კითხვაა, როგორ შეძლოს მასწავლებელმა მოსწავლეებამდე მთავარი მიზნების უფრო გასაგებად და საინტერესოდ მიტანა. სწორედ ამ მხრივ მოხდა სამუშაო ინსტრუმენტების დახვეწა არსობრივად. ამ რეფორმის არსი ეროვნული სასწავლო გეგმის დეპარტამენტი, რაც გულისხმობს შემდეგს: ეროვნულ სასწავლო გეგმაში ჩამოყალიბებული მიზნები საგნების მიხედვით, ანუ ესე არ არის საკითხების ჩამონათვალი, მიზნების ჩამონათვალია. იდეაში, რამდენი სკოლაა არის, ამ მიზნების მიღწევის იმდენი გზა უნდა იყოს.“ – ამბობს ნიკო სილაგაძე.

სწორედ ამ მიზნით მომზადდა შუალედური დოკუმენტები, რომლებიც სკოლებს სასკოლო კურიკულუმების აგებაში მოეხმარება. შუალედური დოკუმენტები მასწავლებელს შემოქმედებითი თავისუფლების ათვისებაშიც დაეხმარება და პასუხს გასცემს მთავარ კითხვაზე – როგორ დავგეგმო სასწავლო გეგმა და როგორ ვაქციო ის ჩემი სკოლის გამოცდილების ამსახველად. ამ დოკუმენტების ძირითადი არსი და მიზანი ეს არის. გზამკვლევი პედაგოგებს მეთოდოლოგიურ და შინაარსობრივ რეკომენდაციებს სთავაზობს.

განათლების ექსპერტს მიაჩნია, რომ ამ რეფორმის ორიგინალობა უფრო მიდგომებშია, ვიდრე მიზნებში. განათლების სისტემაში გატარებულ ყველა რეფორმას, მათ შორის ახალი სკოლის მოდელსაც, ორი ძირითადი მიზანი აქვს: ერთი, რომ სწავლა-სწავლების ხარისხი გაუმჯობესდეს და მეორე, სკოლაში შექმნას გარემო, რომელიც კარგი ადამიანსა და მოქალაქის აღზრდას შეუწყობს ხელს. განსხვავება მიდგომებშია – ამ შემთხვევაში, აქცენტი არ კეთდება ტრენინგებზე, სახელმძღვანელოებზე და სხვ. სკოლაში მიდის ოთხკაციანი ჯგუფი, რომელიც ადგილზე, მასწავლებლებთან ერთად, შეისწავლის არსებულ პრობლემებს და ცდილობს დაეხმაროს მათ გადაჭრაში. მხარდაჭერი ჯგუფი ეროვნული სასწავლო გეგმის დანერგვის ინსტრუმენტების პრაქტიკაში განხორციელებაზე სკოლის კოლექტივთან ერთად მუშაობს, ყალიბდება ერთიანი გუნდი.

„მხარდაჭერი ჯგუფში შედიან: ერთი – სასწავლო კურიკულუმის დანერგვის ექსპერტი (რომელთა გადამზადებაც მოხდა ტრენინგებზე); მეორე – სტუდენტი, რომელიც ექსპერტის ასისტენტი და თანაშემწე იქნება ამ პროცესში; მესამე – ტექნოლოგიების სპეციალისტი, რომელიც მასწავლებლებს ტექნოლოგიების გამოყენებასა და დანერგვაში დაეხმარება; მეოთხე – ლიდერობის ექსპერტი, რომელიც სკოლის ადმინისტრაციასთან იმუშავებს. ჯამში, მთხივე სკოლის გარდაქმნას და იმ მიზნების მიღწევას ემსახურება, რომელიც ეროვნულ სასწავლო გეგმებშია დასახული. ჯგუფის წევრობის მსურველი ბევრია და ტრენინგებზე იმიტომ ტარდება, რომ მათ შორის საუკეთესოები შეარჩიოს.“ – ამბობს ნიკო სილაგაძე.

„ახალი სკოლის მოდელი“ დანერგვა ხუთწლიან პროცესს მოიაზრებს, რომელშიც, ამ ეტაპზე, 50 სკოლაა ჩართული, სექტემბრიდან კიდევ 100 სკოლა დაემატება, საბილოდ კი, პროცესმა საქართველოს ყველა სკოლა უნდა მოიცვას.



აბიტურიენტთა რეგისტრაცია დაიწყო

ლალი ჯვალაძე

შეფასებისა და გამოცდების ეროვნული ცენტრის დირექტორმა, **სოფო გორგოძემ**, 2019 წლის გამოცდებზე რეგისტრაციასთან დაკავშირებით, ბრიფინგი გამართა.

„დაიწყო რეგისტრაცია ერთიანი ეროვნული გამოცდებისთვის, სტუდენტთა საგარეო კონკურსისთვის და საერთო სამაგისტრო გამოცდებისთვის. რეგისტრაცია დასრულდება 3 აპრილს, 18 საათისთვის. ამის შემდეგ აბიტურიენტები ველარ შეიძლება დარეგისტრირდნენ. ვთხოვთ, მას შემდეგ, რაც დარეგისტრირდებით, აუცილებლად შეამოწმოთ ელექტრონული ფოსტა – მიიღეთ თუ არა დასტური რეგისტრაციის შესახებ. თუ ასეთი დასტური არ გაქვთ, საგარეოდ, რეგისტრაცია ბოლომდე ვერ გაიარეთ და ამიტომ ვთხოვთ, ამას განსაკუთრებული ყურადღება მიაქციოთ. თუ რაიმე პრობლემა იქნება, დამატებით ინსტრუქციებს ჩვენც მოგაწვდით“, – განაცხადა სოფო გორგოძემ.

შეფასებისა და გამოცდების ეროვნული ცენტრის ინფორმაციით, ერთიანი ეროვნული გამოცდების ძირითადი რეგისტრაციის დასრულების შემდეგ, აბიტურიენტები და მაგისტრანტები ველარ დარეგისტრირდებიან; 3 აპრილის შემდეგ

აბიტურიენტი ველარ შეცვლის საგამოცდო ქალაქს, თუმცა, 7 მაისის 18 საათამდე შეეძლება გამოცდის დამატება ან საგნის შეცვლა. ცენტრის ვებგვერდზე (www.naec.ge) განთავსდება საინფორმაციო ცნობარი, რომლითაც აბიტურიენტმა არჩევანის გაკეთებისას უნდა იხელმძღვანელოს.

შეფასებისა და გამოცდების ეროვნული ცენტრის ხელმძღვანელის ინფორმაციით, მნიშვნელოვანი სიახლეა ის, რომ ორი ან მეტი არჩევითი საგნის გამოცდის მონიშვნის შემთხვევაში და რომელიმე მათგანში ჩაჭრის (მინიმალური კომპეტენციის ზღვრის ვერგადალახვის) ან რომელიმე არჩევითი საგნის გამოცდაზე გამოუცხადებლობის შემთხვევაშიც, აბიტურიენტი სახელმწიფო სასწავლო გრანტის მიღების შესაძლებლობას შეინარჩუნებს.

რაც შეეხება საგანმანათლებლო პროგრამების ჩამონათვალს, სარეგისტრაციო განაცხადში საგანმანათლებლო პროგრამების მითითებისა და შეცვლის საშუალება აბიტურიენტს აპელაციების შედეგების გამოქვეყნების შემდეგი დღის ჩათვლით ექნება.

„პროგრამებზე განაცხადების რაოდენობის შესახებ ინფორმაციის გაცნობა აბიტურიენტებს სპეციალური სისტე-

მის მეშვეობით შეეძლება – რეგისტრაციის დაწყებიდან ამოქმედდება გვერდი, რომელზეც განთავსდება განახლებული ინფორმაცია კონკრეტულ პროგრამებზე განაცხადების რაოდენობის შესახებ და ეს ინფორმაცია მუდმივად შეიცვლება“, – ამბობს სოფო გორგოძე.

2019 წელს ერთიანი ეროვნულ გამოცდებზე გასვლის შანსი უფრო მეტ ადამიანს მიეცა, მათ შორის, გასულ წლებში საატესტატო გამოცდებზე ჩაჭრილ პირებსაც, რადგან ამ აპლიკანტებს მხოლოდ რეგისტრაციის შემდეგ დასჭირდებოდა სკოლის ატესტატი, რომელსაც, სკოლის გამოსაშვები გამოცდების გაუქმების შემდეგ, უპრობლემოდ აიღებენ.

მასწავლებელთა 2019 წლის გამოცდებზე რეგისტრაცია წელს შედარებით გვიან დაიწყება, ამის მიზეზად სქემაში დაგეგმილი ცვლილებები დასახელდა.

„თუ იმავე პერიოდში გადაწყდა მასწავლებლების გამოცდები, როგორც აბიტურიენტების, ანუ ზაფხულში, მაშინ ეს მასწავლებლის გამოცდებზე რეგისტრაციის ვადების შემსწორებას გამოიწვევს. ველოდებით მასწავლებელთა პროფესიული განვითარების ცენტრის გადაწყვეტილებას“, – განაცხადა სოფო გორგოძემ.

გაეროსდაპი უფლებები

გაეროსდაპის მთავარი აქცენტები

ლალი ჯვალაძე

4 მარტს, პარლამენტის გაერთიანებული კომიტეტების სხდომაზე, „გაეროსდაპის უფლებათა კოდექსი“ საჯაროდ წარსმენის დასრულების დონეზე“ განიხილეს.

კანონპროექტის ავტორები დეპუტატი **სოფო კილაძე** და თსუ-ს პროფესორი **პაატო ტურაველი** არიან. სოფო კილაძის განცხადებით, საქართველოში აქამდე არ არსებობდა ერთიანი სახელმწიფოებრივი ხელშეკრულება, სისტემური მიდგომა, რომლის მთავარი მიზანი იქნებოდა ბავშვის კეთილდღეობა. აღნიშნული კანონპროექტი სწორედ ამ მიზანს ემსახურება.

„მნიშვნელოვანია, საქართველოს პარლამენტმა მხარი დაუჭიროს ბავშვის უფლებათა კოდექსს, რომელიც იქნება, ერთი მხრივ, გარანტი ბავშვის კეთილდღეობის, მეორე მხრივ, იქნება გარანტი, რომ მივიღოთ დემოკრატიული, სოლიდარულ პასუხისმგებლობაზე დაფუძნებული საზოგადოება, სადაც ადამიანები პატივს სცემენ ერთმანეთს, საკუთარ სამშობლოს, კულტურასა და ტრადიციებს“, – განაცხადა სოფო კილაძემ.

მისი განმარტებით, კოდექსი აღიარებს ბავშვის შემდეგ უფლებებს: ღირსება; სიცოცხლის, გადარჩენისა და განვითარების; დისკრიმინაციის აკრძალვა; მისი აზრის მოსმენისა და მონაწილეობის; პირადი ცხოვრების და პირადი მონაცემების შენარჩუნების; აზრის, ინფორმაციის, მასობრივი ინფორმაციის საშუალებათა და ინტერნეტის თავისუფლების; მასმედის საშუალებებით ინფორმაციის მიღების; რელიგიისა და სინდისის თავისუფლება; გაერთიანებისა და მშვიდობიანი შეკრების თავისუფლება; თამაშისა და დასვენების; საკუთრებისა და მემკვიდრეობის; ინტელექტუალური შემოქმედების; ბავშვის უფლებების დაცვის პროგრამების შემუშავებაში მონაწილეობის.

სოფო კილაძემ ბავშვის განათლების მხარდაჭერის პროგრამებისა და ღონისძიებების სამართლებრივ საფუძვლებზეც ისაუბრა. მისი თქმით, ბავშვისთვის შეთავაზებული და ხელმისაწვდომი უნდა იყოს მისი განვითარების ხელშეწყობის განათლების პროგრამები, რომლებიც უნდა უზრუნველყოს მისი პიროვნების, კონტაქტი და ფიზიკური შესაძლებლობების განვითარება, ასევე, ადამიანის უფლებებისა და თავისუფლებებისადმი, მოზღვრებისადმი, ქვეყნის კულტურული, ენობრივი, ეროვნული და რელიგიური ღირებულებებისადმი, განსხვავებული ცივილიზაციებისა და რელიგიებისადმი პატივისცემის უნარების გამოუმუშავება.

განათლების მიღების შესაძლებლობები „ბავშვთა უფლებების კოდექსის“ 35-ე მუხლშია ჩამოყალიბებული:

- ა) ხარისხიანი უფასო სკოლამდელი და ზოგადი განათლების ხელშეწყობა, ყოველი ბავშვისთვის ინდივიდუალური შესაძლებლობებისა და საჭიროებების შესაბამისად;
- ბ) პროფესიული განათლების ხელშეწყობა, ყოველი ბავშვისთვის ინდივიდუალური შესაძლებლობებისა და საჭიროებების შესაბამისად, მათ შორის, სათანადო ფინანსური მხარდაჭერით;
- გ) განათლების სისტემის, საფუნდების და ფორმების, პროცედურების და ბავშვისთვის სხვა მნიშვნელოვანი და სასარგებლო საკითხების შესახებ ინფორმაციის ყველა ბავშვისთვის ხელმისაწვდომობა;
- დ) სკოლის მიღმა დარჩენილ ბავშვთა სკოლებში დაბრუნების ხელშეწყობა და სკოლის მიტოვების პრევენციის ღონისძიებების განხორციელება;
- ე) განათლების ყველა საფეხურზე უახლესი სამეცნიერო და დარგობრივი ცოდნისა და ბავშვზე ორიენტირებული სწავლების თანამედროვე მეთოდების და ტექნოლოგიების დანერგვის ხელშეწყობა;
- ვ) ბავშვის მონაწილეობის უფლების განხორციელება განათლების ყველა საფეხურზე როგორც უშუალოდ საგანმანათლებლო პროცესში, ასევე საგანმანათლებლო დაწესებულებებში გადამწყვეტილების მიღებისას.

კოდექსი, ასევე, ადგენს ბავშვის უფლებას, რომ დაცული იყოს ძალადობისგან, რაც გულისხმობს დაცვას ფიზიკური ან ფსიქოლოგიური იძულების, დაზიანების, უგულვებელყოფის, დაუდევარი მოპყრობის, წამების, ექსპლუატაციის, ვაჭრობის, ტრეფიკინგის და ძალადობის სხვა ნებისმიერი ფორმისგან.

„ბავშვებს უნდა ვასწავლოთ, რომ ნებისმიერი კონფლიქტი,

რომელიც წარმოიშობა, მშვიდობიანი გზებით უნდა დარეგულირდეს. ამ მიმართულებით მთელი რიგი პროგრამებია იმ ქვეყნებში, რომელზეც სწორება გვაქვს,“ – განაცხადა სოფო კილაძემ და აღნიშნა, რომ იქმნება ახალი სერვისები, რომელიც მსხვერპლ ბავშვების დახმარებისთვის იქნება გათვალისწინებული. კანონპროექტის განმარტებით ბარათში ვკითხულობთ, რომ დღეს დიდ გამოწვევას წარმოადგენს ბავშვის დაცვა საჯარო სივრცეში, რაც მოიაზრებს ბავშვის დაცვას მანვანე ზეგავლენისგან: ალკოჰოლის და ნარკოტიკის, კლუბების და გასართობი დაწესებულებების, თამბაქოსა და სხვ. ასევე, ეფექტიანი რეგულირების მიღება ბავშვის დაცვა მედიასივრცეში და ინტერნეტში, მათ შორის, მანვანე ზეგავლენის მქონე, განსაკუთრებულად უხამსი და ძალადობრივი ინფორმაციის შემცველი ფილმების, ბეჭდური მედიის და ა.შ. რაც მეტად ზრდის ძალადობის და დევიაციური ქმედებების იმ მასშტაბებს, რომელიც სამუხაროდ განსაკუთრებით გახშირდა საქართველოში უკანასკნელ წლებში. არ არსებობს საკანონმდებლო რეგულაციები, რომელიც უზრუნველყოფს ბავშვთა უსაფრთხოებას ჯგუფური ტრანსპორტირების (ექსკურსიების) შემთხვევაში. სამუხაროდ, ასეთი გარანტიების არარსებობის გამო არაერთ უბედურ შემთხვევას ჰქონდა ადგილი.

ჯანმრთელობის დაცვისა და სოციალურ საკითხთა კომიტეტის თავმჯდომარის მოადგილემ, **დემეტრი ხუნდაძემ** განაცხადა, რომ ბავშვთა კოდექსი ქვეყნის პატარა მოქალაქეების მრავალმხრივი და უპირატესი ინტერესის დამცველია. მან ყურადღება გაამახვილა კანონში ბავშვებზე განხორციელებული ძალადობის იდენტიფიცირებისთვის კონკრეტულ ჩანაწერებზე და კოდექსის ავტორებს ცხელი ხაზის ამოქმედების იდეა შესთავაზა.

კოდექსში ყურადღება გაამახვილებულია ბავშვის უფლებაზე, ცხოვრობდეს და იზრდებოდეს ოჯახში, სადაც შექმნილია პირობები მისი ჰარმონიული აღზრდა-განვითარებისა და კეთილდღეობისთვის. სოფო კილაძის განცხადებით, ამ მიმართულებითაც მთელი რიგი სიახლეების შემოტანა იგეგმება, რადგან „მნიშვნელოვანია იმ ბავშვებზე ვიზრუნოთ, რომლებიც მოკლებული არიან ოჯახის მზრუნველობას, დროებით ან სამუდამოდ.“

მისი განმარტებით, კოდექსი ადგენს ბავშვის უფლებას ალტერნატიულ ოჯახურ ზრუნვაზე, რაც გულისხმობს სახელმწიფოს ვალდებულებას, განსაკუთრებული დაცვა და მხარდაჭერა აღმოუჩინოს ბავშვს, რომელიც დროებით ან სამუდამოდაა მოკლებული მშობელთა ზრუნვას, ან როდესაც ოჯახში დარჩენა ეწინააღმდეგება მის საუკეთესო ინტერესებს. ეს უფლება, ასევე, მოიცავს სახელმწიფოს ზრუნვას ალტერნატიული ზრუნვიდან გამოსულ ახალგაზრდებზე, რომელთაც სრულწლოვანების მიღწევის შემდეგ, გარდამავალ პერიოდში, ესაჭიროებათ მხარდაჭერა.

„ბუნებრივია, საზოგადოების ყველა სეგმენტს აქვს ინტერესი, რომ ეს კოდექსი სრულყოფილი და მისაღები იყოს მთლიანად საზოგადოებისთვის. ჩვენი ვალდებულებაა, ვიმუშაოთ, რათა გვექონდეს შეჯერებული პოზიციები,“ – განაცხადა სოფო კილაძემ.

გაერთიანებული კომიტეტის სხდომაზე სხვადასხვა დანიტერესებული პირებისგან წამოვიდა ინიციატივა, რომ ქვეყანაში აბორტი უნდა აიკრძალოს, რასაც ხმაური მოჰყვა. ჯანდაცვის კომიტეტის თავმჯდომარის მოადგილის, დემეტრი ხუნდაძის აზრით: „ძალიან მძიმეა, როცა პოტენციური დედა, ოჯახი მიდის აბორტის გაკეთების გადაწყვეტილებამდე, მაგრამ, ვფიქრობ, აკრძალვა საუკეთესო გამოსავალი არ იქნება. საუკეთესო გამოსავალია სათანადო პირობების შექმნა, რომ პოტენციურმა დედამ ეს გადაწყვეტილება არ მიიღოს.“

კომიტეტის თავმჯდომარის მოადგილემ აბორტების საკითხის სწორად წარმოდგენისთვის, დღევანდელი მაჩვენებელი 2012 წლისას შეადარა, როცა ყველაზე მაღალი მაჩვენებელი დაფიქსირდა – რეგისტრირებული იყო 40 000 აბორტი. თან განმარტა, რომ 2012 წელი აიღო არა როგორც პოლიტიკურ წლად, არამედ სწორედ ყველაზე მაღალი მაჩვენებლის გამო.

დემეტრი ხუნდაძე მიიჩნევს, რომ დაფინანსების გარდა, სახელმწიფოს მიერ გატარებულ პროგრამებსა და ცვლილებებს შორის, ძალიან მნიშვნელოვანია შვილად აყვანისა და მინდო-



ბის აღზრდის შესახებ კანონი. ეს პროგრამები საშუალებას აძლევს ბავშვებს, რომლებიც სხვადასხვა მიზეზების გამო ვერ რჩებიან ბიოლოგიურ ოჯახში, უკეთეს პირობებში განაგრძონ განვითარება.

„მნიშვნელოვან პრობლემად რჩება ბავშვთა სიღარიბე, რომელიც ყველა ხელისუფლებისთვის უპირველესი საზრუნავი უნდა იყოს. ამ დროისთვის, ბევრი პროგრამა განხორციელდა, მათ შორის, სოციალურად დაუცველი ბავშვების ოჯახების დაფინანსება. ყველაზე მთავარი მიზანი და საზრუნავია, ბავშვებისთვის შევქმნათ ისეთი უსაფრთხო გარემო, სადაც მათი უფლებების მაქსიმალურად იქნება დაცული“ – აღნიშნა კომიტეტის თავმჯდომარემ.

პარლამენტში ბავშვის უფლებათა კანონპროექტის განხილვისას წამოწეულ თემებს – ფიზიკურ დასჯასა და აბორტის აკრძალვას – უფლებადამცველი **ანა არგანაშვილი** ასე ეხმაინება: „კანონპროექტის ოპონენტები ამ სფეროში საკმარისად კომპეტენტურები არ არიან. დამრჩა შთაბეჭდილება, რომ ძალიან ბევრ მათგანს ამ თემაზე არ უმუშავია.“

არსებული კანონების გარდა, კანონპროექტში ახალი ჩანაწერებიც ჩნდება, რომლის თანახმადაც: მშობელს აღარ შეეძლება ბავშვის საკუთრების გასხვისება, თუ ეს ისევე ბავშვის ინტერესებში არ შედის; ბავშვს მიეცემა უფლება, მოითხოვოს ბალანსის დაცვა სწავლასა და თავისუფალ დროს შორის, ასევე უფლება – მოუსმინონ და სათანადოდ გაითვალისწინონ მისი მოსაზრება იმ საკითხის გადაწყვეტისას, რომელიც მას ეხება; აკრძალულია ბავშვის ფიზიკური დასჯა. ამ ჩანაწერების მიუხედავად, ანა არგანაშვილი მიიჩნევს, რომ „ეს კარგად არ არის განმარტებული. ბევრი ფიქრობს, რომ გამეტებით ცემა არ შეიძლება, მაგრამ წამოტყმა – კი (საერთოდ, არ შეიძლება!). არანაირი მნიშვნელობა არა აქვს ყურის ანევაზე ვლავარაკობით თუ დარტყმით, რადგან ამ შემთხვევაში საქმე ბავშვის ღირსებას ეხება.“

კოდექსი კრძალავს ბავშვის ცემას, თვითნებურ მკურნალობას, ბავშვის ქონების გაყიდვას; ასევე, ბავშვმა შეიძლება მოითხოვოს ზარალის ანაზღაურება სახელმწიფოს მხრიდან... კანონპროექტში კიდევ ერთხელ ჩაინერა, რომ აკრძალულია ბავშვის ჩაბმა მათხოვრობაში. რაც შეეხება მის ჯანმრთელობას, მისივე ნების საწინააღმდეგოდ, ფსიქიატრიული სტაციონარული მკურნალობა დასაშვებია მხოლოდ სასამართლოს გადაწყვეტილებით და უმოკლესი ვადით.

სიახლეა ისიც, რომ დაზარალებულ ბავშვს შეუძლია, სახელმწიფოს მოსთხოვოს კომპენსაცია, მათ შორის ფინანსური ზარალის ანაზღაურება იმ შემთხვევაში, თუ ამ ანაზღაურების სწრაფი მიღება დამნაშავეს მხრიდან შეუძლებელია.

დოკუმენტით, ბავშვი დაცულია ძალადობის ყველა ფორმისგან, მათ შორის ფიზიკური დასჯის ან/და დამამცირებელი მოპყრობისგან, მათ შორის, საგანმანათლებლო დაწესებულებაში. ის იძლევა ბავშვის წვდომის გარანტიას დაცვის მექანიზმებზე, მათ შორის, მართლმსაჯულების სისტემაში. თუმცა, არასამთავრობო სექტორის მთავარ კითხვას – როგორ და ვის მიერ უნდა განხორციელდეს ბავშვზე ზრუნვა, ძალადობის შემცირება, მანვანე ზეგავლენისგან დაცვა? – პასუხი არ მოეძებნა. როგორც იურისტი **ანა აბაშიძე** აცხადებს: „ეს იქნება კოდექსი, რომელიც ბავშვებს პრაქტიკაში სარგებელს ვერ მოუტანს“. პარლამენტში სრული მხარდაჭერის შემთხვევაში კი, „ბავშვთა უფლებების კოდექსი“ 2020 წლის 1 ივნისს ამოქმედდება.

როგორ დავხვედროთ და ჩავატაროთ სამუშაო შეხვედრა



შახვალატი ნაბიევი

სსიპ დმანისის მუნიციპალიტეტის სოფელ ტნუსის საჯარო სკოლის დირექტორი, მასწავლებელთა პროფესიული განვითარების ეროვნული ცენტრის ტრენერი, მათემატიკის უფროსი მასწავლებელი

სკოლებისა და საგანთაშორისი თანამშრომლობის გაუმჯობესების მიზნით, სამუშაო შეხვედრების დაგეგმვა და ჩატარება ერთ-ერთი მნიშვნელოვანი პროცესია. სამუშაო შეხვედრები შეიძლება სხვადასხვა მიზნით ჩატარდეს. მიზნიდან გამომდინარე დაიგეგმება შეხვედრის ფორმატიც. ამიტომაც შეხვედრის სწორი დაგეგმვა ძალიან მნიშვნელოვანი საკითხია.

მართალია STEM-ის საგნების ფასილიტატორებს, ტრენინგზე მიღებული უნარ-ჩვევების სასწავლო პროცესში გამოყენების მიზნით, უკვე ჩატარებული აქვთ რამდენიმე შეხვედრა და აქვთ გამოცდილება, მაგრამ საგანთაშორისი შეხვედრების დაგეგმვისა და ჩატარების გამოცდილება სკოლებს ნაკლებად აქვთ. სამუშაო შეხვედრების დაგეგმვის რამდენიმე კომპონენტი არსებობს, რომელიც ყველამ უნდა გავითვალისწინოთ.

- ❖ მიზნის სწორი განსაზღვრა;
 - ❖ მიზნის მისაღწევი გზების სწორად დაგეგმვა;
 - ❖ შეხვედრის მონაწილეების სწორად შერჩევა;
 - ❖ დაინტერესებული მხარეების შეხვედრაში მონაწილეობისთვის მოზიდვა;
 - ❖ სამუშაო შეხვედრების ორგანიზება;
 - ❖ სამუშაო შეხვედრის გეგმის შედგენა;
 - ❖ დღის წესრიგის შედგენა;
 - ❖ დროისა და დღის წესრიგის ეფექტური განაწილება და მართვა;
 - ❖ რეფლექსია.
- ნიმუშის სახით გთავაზობთ კოლეგებთან ჩატარებული სამუშაო შეხვედრის გეგმას.

კოლეგებთან სამუშაო შეხვედრის გეგმა

(კვარტალური შეხვედრა ლიდერობის აკადემია 2-ის 3-4-5-6 მოდულებისთვის)

სკოლა: სსიპ დმანისის №2 საჯარო

ორბანინიშტორი: შახვალატი ნაბიევი

შეხვედრის ხანგრძლივობა: 3 საათი.

შეხვედრის ჩატარების თარიღი: 08.12.2018

კვარტალური შეხვედრების მიზანი:

კვარტალური შეხვედრები მიზნად ისახავს საჯარო სკოლების დირექტორებს შორის იმ ცოდნისა და გამოცდილების გაზიარებას, რომელიც ლიდერობის აკადემიის ტრენინგის ფარგლებში და შემდგომ სკოლებში გამოიყენეს – შეხვედრებზე განიხილავენ ე.წ. კვარტალურ დავალებებს. კვარტალური დავალება ახლავს ყოველ მოდულს, რომელსაც დირექტორი სურვილისამებრ ირჩევს და შეხვედრისთვის ასრულებს.

ლიდერობის აკადემია 2-ის 3-4-5 მოდულებში დირექტორებისთვის შეთავაზებული იყო სამი დავალება:

მოდული 3 – ლიდერობა და ხელმძღვანელობა

მოდული 3-ის კვარტალური დავალება:

კვარტალური შეხვედრისათვის, რომელიც გაიმართება დირექტორებისთვის ტრენინგის დასრულებიდან, დაახლოებით, 2 თვის შემდეგ, განხორციელეთ თქვენ მიერ მოდულის დავალებაში გაანალიზებული პრობლემის გადასაჭრელად დაგეგმილი პროექტი და წარმოადგინეთ მისი განხორციელების შედეგები.

- მოგვარდა თუ არა პრობლემა, ანუ მიაღწიეთ თუ არა მიზანს (წარმოადგინეთ არგუმენტირებული დასაბუთება);
- წარიმართა თუ არა პროცესი დაგეგმილის შესაბამისად;
- როგორ განხორციელდა რისკების მართვა.

მოდული 4 – სასწავლო თემის განვითარება

მოდული 4-ის კვარტალური დავალება:

ნაბიჯი 1. კვარტალურ შეხვედრამდე სკოლის დირექტორი ესწრება, მინიმუმ, 2 მასწავლებლის სამუშაო შეხვედრას, რომელიც უკვე დაგეგმილია პროექტის მიერ ამ ნელს. აძლევს კონსტრუქციულ განმავითარებელ უკუკავშირს შეხვედრის ფასილიტატორს და ამზადებს საერთო ანგარიშს.

ნაბიჯი 2. კვარტალური შეხვედრისთვის ატვირთეთ Google Drive-ის სამუშაო ჯგუფში სამუშაო შეხვედრების ანგარიში, თანდართული დოკუმენტაციით (მაგ., შეხვედრების ფოტო/ვიდეომასალა, ოქმი, რეფლექსია, კითხვარი და სხვ.).

ნაბიჯი 3. Google drive სამუშაო ჯგუფში დაამატეთ ტრენერი, რომელიც ჩაატარებს კვარტალურ შეხვედრას, რათა გაეცნოს განხორციელებულ აქტივობებს.

მოდული 5 – 21-ე საუკუნის კლასის მახასიათებლები

მოდული 5-ის კვარტალური დავალება

სკოლის დირექტორმა და ფასილიტატორმა საკუთარ სკოლებში უნდა ჩაატარონ კვლევა, რათა დაადგინონ:

- რამდენად შეესაბამება მათი სკოლის საკლასო კლიმატი მოსწავლეზე ორიენტირებულ სასწავლო გარემოს.
- 1. დირექტორი იყენებს დაკვირვების ფორმას – LA2-M5 – სამუშაო ფურცელი №1 – კლასის კლიმატზე დაკვირვება;
- 2. ფასილიტატორი იყენებს დაკვირვების ფორმას – LA2-M5 – სამუშაო ფურცელი №1 – კლასის კლიმატზე დაკვირვება;
- 3. დირექტორი და ფასილიტატორი აჯამებენ საკუთარი კვლევის შედეგებს, გამოყოფენ საკლასო კლიმატის პრობლემებს და გეგმავენ აქტივობებს, რომლებიც დაეხმარებათ პოზიტიური სასწავლო გარემოს შექმნაში. კარგი იქნება, თუ გადაიღებენ კლასის სურათებს და ატვირთავენ Google drive-ზე ან ელფოსტით გამოგზავნიან. ფოტოები უფრო თვალსაჩინოს გახდის კვლევის შედეგებს. კვარტალურ შეხვედრას ესწრებიან მხოლოდ დირექტორები, რომლებმაც უნდა წარმოადგინონ:

1. კვლევის შედეგები – საერთო დოკუმენტი;
2. წლის სამოქმედო გეგმა, რომელშიც ასახულია პოზიტიური საკლასო კლიმატის შექმნისთვის ხელშემწყობი აქტივობები.

მოდული 6 – თანასწორობის საკითხები

მოდული 6-ის კვარტალური დავალება

პროექტი „ჩვენ ვქმნით ინკლუზიურ კულტურას“

კვარტალური შეხვედრისათვის დირექტორებმა უნდა მოამზადონ და წარადგინონ განხორციელებული პროექტის ანგარიში, რომელიც შეფასდება შემდეგი კითხვების მეშვეობით:

1. მოგვარდა თუ არა პრობლემა, ანუ მიაღწიეთ თუ არა მიზანს (წარმოადგინეთ არგუმენტირებული დასაბუთება)?
2. წარიმართა თუ არა პროცესი დაგეგმილი აქტივობების შესაბამისად?
3. როგორ განხორციელდა რისკების მართვა?

- ✓ კვარტალურ შეხვედრებს ესწრებიან საჯარო სკოლების დირექტორები და რესურსცენტრების უფროსები, რომლებმაც გაიარეს ლიდერობის აკადემია 2-ის 3-4-5-6 მოდულებში ტრენინგი, ასევე იმ საჯარო სკოლების დირექტორები, რომლებმაც ტრენინგის გავლა ვერ შეძლეს. მიუხედავად იმისა, რომ არ აქვთ შესრულებული კვარტალური დავალება, მაინც ერთვებიან კოლეგების მიერ შესრულებული დავალებების განხილვაში.
- ✓ ტრენინგებზე გავლილი სამი მოდულიდან, კვარტალურ შეხვედრაზე წარსადგენად, დირექტორმა უნდა აირჩიოს ერთ-ერთი მოდულის კვარტალური დავალება.

კვარტალური შეხვედრის დღის წესრიგი

№	თემა	აქტივობის აღწერილობა	დრო
1	მისალმება		5წთ
2	დისკუსია/ბრენინგორმინგი	ამ ნაწილში, ტრენინგზე მიღებული ცოდნისა და გამოცდილების გათვალისწინებით, სკოლაში გადადგმული ნაბიჯების, გამოცდილების გაზიარებისათვის, შეხვედრის ფასილიტატორი (ორგანიზატორი), შეძლებისდაგვარად, ყველას აძლევს აზრის გამოთქმის საშუალებას. შეხვედრის მონაწილეთა რაოდენობის მიხედვით განსაზღვრავს დროს თითოეულისათვის. თუ მონაწილეების სურვილია, მეტი ისაუბრონ ამა თუ იმ თემაზე, ორგანიზატორი მადლობას უხდის ინტერესისთვის, კიდევ ერთხელ განუმარტავს შეხვედრის ძირითად მიზანს (კვარტალური დავალებების განხილვა) და ხანგრძლივობას (სულ 3 საათი) და სთავაზობს გამოცდილების გაზიარებისთვის სხვა სივრცეს (მაგ. ფენისბუქის დახურული ჯგუფი); თუ მონაწილეები შექმნიან ასეთ ჯგუფს, სთხოვეთ, დაგამატონ თქვენ, შეხვედრის ფასილიტატორი, ასევე, პროექტის მართვის გუნდის წევრები.	15წთ
3	ჯგუფური მუშაობა	შეხვედრის ორგანიზატორი (ფასილიტატორი) დაყოფს ჯგუფებს შესრულებული კვარტალური დავალების მიხედვით და აცნობს იმ მთავარ პუნქტებს, რომელზეც პრეზენტაცია უნდა მომზადდეს (იხილეთ ეს კითხვები ქვემოთ). თუ ჯგუფში ერთი დავალება შესრულებული აქვს 7-ზე მეტ დირექტორს, ეს ჯგუფი ორად გაიყოფა. ჯგუფის წევრები ერთმანეთს აცნობენ შესრულებულ დავალებებს, აძლევენ ერთმანეთის ნამუშევარზე უკუკავშირს და უზიარებენ დავალების მომზადებისას მიღებულ გამოცდილებას. საპრეზენტაციო კითხვების მიხედვით ჯგუფი ამზადებს პრეზენტაციას (ფორმას წყვეტს ჯგუფი – ირჩევს პრეზენტატორს ან აკეთებენ ჯგუფურ პრეზენტაციას; ამზადებენ ფლიფჩარტზე ან კომპიუტერში და უშვებენ მონიტორზე ან საკვანძო საკითხებს ინიშნავენ თაბახის ფურცელზე – დამოკიდებულია სკოლაში არსებულ რესურსზე და მონაწილეთა სურვილზე).	1სთ
4	ჯგუფების პრეზენტაციები	ფასილიტატორი (შეხვედრის ორგანიზატორი) ჯგუფებს სთხოვს პრეზენტაციების მომზადებას და მოდერაციას უწევს პრეზენტაციებს (დაცული იყოს დრო; პრეზენტაციებს, მთლიანობაში, ეთმობა საათ-ნახევარი. თითოეული ჯგუფისთვის გამოყოფილი დრო დამოკიდებულია ჯგუფების რაოდენობაზე. ფასილიტატორმა ეს დრო წინასწარ უნდა გააცნოს ჯგუფებს); ცდილობს, რომ ყველას ჰქონდეს საშუალება, პრეზენტაციის ნაწილში მაინც ჩაერთოს. კითხვები/საკითხები პრეზენტაციის მოსამზადებლად: <ul style="list-style-type: none"> • შესრულებული დავალების თემატიკა და შეჯამება, რა იყო ჯგუფის წევრების ნამუშევრებში საერთო და განსხვავებული; • რა ვისწავლეთ ერთმანეთისგან? (პრობლემის გადაჭრის საერთო და განსხვავებული გზები); • რა მოგვეჩვენა სხვა დირექტორების მიერ შესრულებულ დავალებებში? • რას გავაუმჯობესებდით ჩვენ მიერ შესრულებულ დავალებაში? 	1სთ 30წთ
5	შეჯამება	შეხვედრის შეჯამება ჯგუფური ფოტოების გადაღება.	10წთ

სამოღალო გაკვეთილი

პირდაპირი და ირიბი ბრძანებითი წინადადებები

გაკვეთილის გეგმა

საბანო: ინგლისური
სწავლების საფეხური/კლასი: VI
მოსწავლეთა რაოდენობა: 6 (სსსმ მოსწავლე კლასში არ ირიცხება)
გაკვეთილის თემა: Grammar: Reported Commands

გაკვეთილის მიზანი:

- მოსწავლემ შეძლოს, კონკრეტულ მაგალითებზე დაკვირვებით, ამოიცნოს პირდაპირი ნათქვამი (ბრძანება) და გადაიყვანოს ის ირიბ თქვაში;
• ასევე, დამოუკიდებლად მოახდინოს პირდაპირი და ირიბი ბრძანებითი წინადადებების ფორმულირება;
• სათანადოდ გამოიყენოს სხვადასხვა შინაარსის (თხრობითი, კითხვითი, ბრძანებითი) მქონე წინადადებები;
• შეძლოს ჯგუფის წევრებთან თანამშრომლობა და საკუთარი წვლილის შეტანა ჯგუფური სამუშაოს შესრულებაში.

Table with 5 columns: №, აქტივობის აღწერა, გამოყენებული მეთოდი/მეთოდები, კლასის ორგანიზების ფორმა/ფორმები, სასწავლო რესურსები, დრო (წთ)

Table with 5 columns: №, აქტივობის აღწერა, გამოყენებული მეთოდი/მეთოდები, კლასის ორგანიზების ფორმა/ფორმები, სასწავლო რესურსები, დრო (წთ)

გაკვეთილის ზოლოს მისაღწევი შედეგები:

უცხ.დ. VI.23. მოსწავლეს შეუძლია გრამატიკულ მოვლენებში გასარკვევად სათანადო სტრატეგიების გამოყენება.

- კონკრეტულ მაგალითებზე დაკვირვებით ამოიცნოს ენობრივ მექანიზმებს;
• იყენებს ამოცნობილ მექანიზმებს.

უცხ.დ. VI.24. მოსწავლეს შეუძლია თანაკლასელებთან, მასწავლებელთან და ჯგუფის წევრებთან თანამშრომლობა.

- შედეგი თვალსაჩინოა, თუ მოსწავლე:
• სხვებს აცდის პასუხს;
• კამათისას ყურს უღებებს განსხვავებულ მოსაზრებებს;
• ეთათბირება თანაგუნდელებს ფუნქციების, სამუშაოს განაწილების თაობაზე;
• თავისი წვლილი შეაქვს დასმული ამოცანის გადაჭრაში.

უცხ.დ. VI.17. მოსწავლეს გამომუშავებული აქვს ელემენტარული ენობრივი უნარ-ჩვევები.
• სათანადოდ იყენებს სხვადასხვა შინაარსის (თხრობითი, კითხვითი, ბრძანებითი) მქონე წინადადებებს.

ხელმწიფი: /////

შეფასება: განმსაზღვრელი (მოსწავლის შეფასების კრიტერიუმები და/ან რუბრიკები თან უნდა ერთვოდეს გეგმას)

დანართი 1.1

Table with 4 columns: შეფასების კრიტერიუმები, მიღწევის დონეები (1, 2, 3)

სამოღელო გაკვეთილი

დანართი 1.2


ჯგუფური მუშაობის შედეგების რეზიუმე

Table with 4 columns: კრიტერიუმები, I ჯგუფი, II ჯგუფი, III ჯგუფი. Rows include: ჯგუფის ყველა წევრი ჩართულია, თანამშრომლობენ, წარადგენს ნამუშევარს, იცავს დროის ლიმიტს.

დანართი 3.1

ვიდეოაქსნა: https://www.youtube.com/watch?v=fyZfQd0s52Y
ვიდეოს დაჭრილი ვერსია 00.27-01.50წთ.

დანართი 4.1




დანართი 7.1

სიტყვების ღრუბლის საბოლოო სავარაუდო ნიმუში:



დანართი 4.0



რუსუდან კარაკაძე

ქუთაისის შპს №1 სკოლის ინგლისური ენის პედაგოგი

კონკურსი უფროსკლასელების — 2019

უფროსკლასელთა კონკურსი უკვე მეექვსედ ტარდება და წარმატებულ ტრადიციად ჩამოყალიბდა. ყოველ წელს იცვლება კონკურსის თემა. წლებიდანელი კონკურსის თემაა „ჩემი კუთხის ტრადიციული ხალხური დღესასწაულები“.

ჩვენი კონკურსები არამატერიალური კულტურული მემკვიდრეობის დაცვასთან დაკავშირებული საკითხების გადარჩევნაში სკოლის მოსწავლეების ინტელექტუალური რესურსის წარმოჩენის და დამოუკიდებლად მუშაობის უნარ-ჩვევების გაძლიერების შესანიშნავი საშუალებაა.

კონკურსის მიზანია: საჯარო და კერძო სკოლების მოსწავლეების, მათი ოჯახის წევრების, პედაგოგებისა და ადგილობრივი თემის ჩართვა საქართველოს სხვადასხვა კუთხეში შემორჩე-

ნილი სახალხო დღესასწაულების მოძიებასა და ფიქსაციაში.

ჩატარების ვადა: კონკურსი ტარდება 2019 წლის თებერვლიდან ივნისამდე. ინფორმაცია კონკურსის თაობაზე გავრცელება გაზეთ „ახალი განათლება“ და სხვა საინფორმაციო საშუალებებით. ასევე ელფოსტის საშუალებით მიენიშნებათ ადგილობრივ საგანმანათლებლო რესურსცენტრებს.

განხორციელების მეთოდოლოგია: პირველ ეტაპზე სკოლებმა ელმისამართზე aramaterialuri@yahoo.com უნდა გადმოგზავნონ საკონკურსო მასალა, რომელიც შეიცავს ხალხური დღესასწაულის ზედმიწევნით ზუსტ აღწერას და დღესასწაულის ამსახველ ფოტომასალას (სასურველია აუდიო/ვიდეო).

კონკურსის ყველა მონაწილეს მიენიჭება „არამატერია-

ლური კულტურული მემკვიდრეობის ქომაგის“ ნოდება.

კონკურსში მონაწილეობა შეუძლიათ სკოლის მოსწავლეებს – ინდივიდუალურად და ჯგუფურად, პედაგოგის ხელმძღვანელობით.

ექსპერტების კონსულტაციების გათვალისწინებით, შესწორებული და შერჩეული ტექსტური ფაილების მიხედვით, საქართველოს კულტურული მემკვიდრეობის დაცვის ეროვნული სააგენტო გამოსცემს ილუსტრირებულ კრებულს, რომელიც, სხვა სამახსოვრო საჩუქრებთან ერთად, გამარჯვებულ მოსწავლეებს საზეიმოდ გადაეცემათ.

საქართველოს კულტურული მემკვიდრეობის დაცვის ეროვნული სააგენტო

„ჩემი კუთხის ტრადიციული ხალხური დღესასწაულები“

კულტურული მემკვიდრეობის დაცვის ეროვნული სააგენტო, საქართველოს განათლების, მეცნიერების, კულტურისა და სპორტის სამინისტროს, გაზეთის „ახალი განათლება“, ივანე ჯავახიშვილის სახელმწიფო უნივერსიტეტის ისტორიისა და ეთნოგრაფიის ინსტიტუტისა და სხვა ორგანიზაციების მხარდაჭერით, აცხადებს კონკურსს უფროსკლასელთათვის, თემაზე: „ჩემი კუთხის ტრადიციული ხალხური დღესასწაულები“ (* არ იგულისხმება საეკლესიო კანონიკური დღესასწაულები).

ლახლა გადმოგზავნიან მათ. კონკურსის გამარჯვებულებს გამოავლენს სპაციალურად შექმნილი ჟიური.

საკონკურსო თემის წარდგინის ფორმა

- თითოეული ნაშრომი უნდა მოიცავდეს:
1. Word-ის ფაილი დაწერილი საკონკურსო ნამუშევარს;
2. მოსწავლეების მიერ აღწერილი დღესასწაულის მიხედვით გადაღებულ მაღალი რეზოლუციის ფოტოებს (3-5), ფოტოები უნდა გადმოიგზავნოს თემისთან ერთად, მაღალი რეზოლუციის jpg ფორმატში და იყოს დასათაურებული;
3. ელემენტზე მუშაობის ამსახველ ფოტომასალას (3-5), გადმოგზავნილას ასევე მაღალი რეზოლუციის jpg ფორმატით;
4. შეძლებისდაგვარად, დღესასწაულის ამსახველ აუდიო/ვიდეორჩანანერს (შესაძლებელია გადაღებული იქნას მობილური ტელეფონით).

შესაძლებელია ნიმუში ჩაინეროს თქვენი რეგიონის (სოფლის, ქალაქის, ქუჩის, უბნის, ოჯახის, და ა.შ.) მკვიდრი მოსახლის თხრობის მიხედვით;

შესაძლებელია მოძიებული და ჩაწერილი ნიმუში ფართო საზოგადოებისთვის ნაკლებად იყოს ცნობილი.

სკოლის შიდა შერჩევის შედეგად, საუკეთესო ერთი ან რამდენიმე ნიმუში სკოლამ უნდა გადმოგზავნოს:

- კულტურული მემკვიდრეობის დაცვის ეროვნულ სააგენტოში ელფოსტაზე aramaterialuri@yahoo.com
• ან გაზეთ „ახალი განათლება“ რედაქციაში,
• ან მოგვანოდის ფოსტით, მისამართზე: თბილისი, 0105 თაბუკაშვილის ქ. №5. „საქართველოს კულტურული მემკვიდრეობის დაცვის ეროვნული სააგენტო“.

ნამუშევრის აღწერა:

- ნამუშევარი შესრულებული უნდა იყოს Word Document ფაილი და უნდა მოიცავდეს შემდეგ სავალდებულო ჩანაწერს:
1. არამატერიალური კულტურული მემკვიდრეობის ნიმუში – ხალხური დღესასწაულის დასახელება;
2. ავტორი მოსწავლის/ეების – სახელი, გვარი
3. ხელმძღვანელი პედაგოგი – სახელი, გვარი, საკონტაქტო ინფორმაცია (ტელ., ელმისამართი);
4. ქალაქი (რაიონი, სოფელი) და სკოლის სრული დასახელება;

- 5. სკოლის დირექტორი – სახელი, გვარი, საკონტაქტო ინფორმაცია (ტელ. ელმისამართი);
6. ნიმუშის აღწერა.

- აღწერისათვის უპასუხეთ შემდეგ კითხვებს:
• რას წარმოადგენს თქვენ მიერ შერჩეული დღესასწაული – მოკლე განმარტება მის შესახებ;
• სახელწოდება (აგრეთვე, მიუთითეთ თუ არის ცნობილი თქვენ მიერ აღწერილი ნიმუშის განსხვავებული, სხვა სახელწოდება);
• ნიმუშის ჩანერის აღწერილობა – სად, როდის, რისთვის და ვის მიერ იქნა მოთხრობილი და ჩანერილი ეს ნიმუში, მიუღია თუ არა მონაწილეობა მთხრობელს აღნიშნულ დღესასწაულში;
• ტრადიციულად რა დროს, რა შემთხვევაში, რა სეზონურობით ტარდება დღესასწაული;
• რას უკავშირდებოდა აღნიშნული სახალხო დღესასწაული;
• რა ატრიბუტები უკავშირდება/თან ახლავს პროცესს (ასეთის არსებობის შემთხვევაში დააფიქსირეთ ფოტოზე);
• სხვა პირობები, რომელიც აუცილებელია აღნიშნული სახალხო დღესასწაულის გამართვისათვის;
• რა როლი ენიჭება თქვენ მიერ შერჩეულ ნიმუშს საზოგადოების კულტურულ ან ყოველდღიურ ცხოვრებაში. დაასაბუთეთ შემთავაზებული ელემენტის მნიშვნელობა (უნიკალობა ან ორიგინალობა) პირადად თქვენთვის (რეგიონისთვის, სოფლისთვის, ოჯახისთვის, სკოლისთვის...), საზოგადოებისათვის;
• ზედმიწევნით აღწერეთ სახალხო დღესასწაულის მსვლელობის პროცესი.

სპეფიციკის გათვალისწინებით, წარმოდგენილ ნიმუშს შეიძლება ახლდეს შესაბამისი ჩანახატი, ჩანახაზი, შაბლონი, სქემა, ესკიზი და სხვა თვალსაჩინო მასალა.

გადმოგზავნის ვადა 2019 წლის 25 აპრილი

გვეკონტაქტეთ: სამუშაო დღეებში
599 08 40 03
aramaterialuri@yahoo.com
საქართველოს კულტურული მემკვიდრეობის დაცვის ეროვნული სააგენტო
მაკა თაქთაქიშვილი

კონკურსის მიზანია:

- გამოავლინოს და დააფიქსიროს დღემდე, ამჟამად ყოფაში არსებული და უზუტყცების მეხსიერებაში შემონახული საქართველოს სხვადასხვა კუთხის უძველესი ხალხური დღესასწაულები;
გაზარდოს საზოგადოების, განსაკუთრებით ახალგაზრდების ინტერესი მათი კუთხის არამატერიალური მემკვიდრეობის მიმართ;
დაეხმაროს ახალგაზრდა თაობას არამატერიალური მემკვიდრეობის ნიმუშების მოძიებისა და ფიქსაციის უნარ-ჩვევების ჩამოყალიბებაში;
ხელი შეუწყოს ძველი ქართული ხალხური დღესასწაულების აღდგენა-პოპულარიზაციას.

კონკურსი მოეწყობა ორ ეტაპად:

პირველი ეტაპი
გულისხმობს სკოლაში, მოსწავლეთა ნამუშევრების პირველად სელექციას, რომელიც სკოლის ადმინისტრაციის მიერ, საკონკურსო პირობების ყველა ნორმის დაცვით იქნება შერჩეული და გადმოგზავნილი ელმისამართზე aramaterialuri@yahoo.com (იხ. საკონკურსო ნიმუშის წარდგინის ფორმა). საჭიროების შემთხვევაში, სკოლის ხელმძღვანელობამ თავად უნდა გაუწიოს მოსწავლეს ტექნიკური დახმარება.

საინტერესო ნამუშევრების წარმდგენნი გადავლენ მეორე ეტაპზე.

მეორე ეტაპი

მეორე ეტაპზე გადასული მოსწავლეები, საჭიროებისამებრ, კონკურსის ორგანიზატორებისა და ექსპერტების შემოწმების გათვალისწინებით, ჩაასწორებენ ნიმუშებს და ხე-

უმაღლესი განათლება

თუ მასწავლებელი არ გყავს, ქვეყანას ვერ ააშენებ

როგორ უნდა მოხდეს ახალგაზრდა კადრების სკოლებში შეყვანა და რამდენად უზრუნველყოფს უმაღლესი განათლების სისტემა მათ მომზადებას – გვესაუბრება ქეთევან ჭკუასელი, თსუ-ს პედაგოგიკის ინსტიტუტის პროფესორი.

– ცოტა ხნის წინ, განათლების, კულტურისა და სპორტის მინისტრმა განაცხადა, რომ შეცდომა იყო პედაგოგიური უნივერსიტეტის გაუქმება. როგორ ფიქრობთ, შეაფერხა თუ არა ამ გადაწყვეტილებამ კვალიფიციური კადრების მომზადება?

– ვიდრე ამ კითხვებზე გიპასუხებდეთ, ხომ არ იქნება საინტერესო, დაისვას კითხვა – რა ისტორიული მეხსიერება აქვს ქართულ სახელმწიფოს მასწავლებლის მომზადების საკითხთან დაკავშირებით. თან ერთგვარი ექსკლუზიური ინფორმაცია იქნება, რაც აქამდე ამ ფორმატით არ დაბეჭდილა...

ამისათვის აუცილებელია განვმარტოთ, რა არის პედაგოგიური ინსტიტუტის მიზანი, რატომ შეიქმნა პედაგოგიური ინსტიტუტები და რატომ გაუქმდა ისინი.

პედაგოგიური ინსტიტუტის მიზანი მასწავლებელთა კორპუსის მომზადებაა. ისტორიულად, საყოველთაო განათლების აღიარებამ, ცხადია, მოიტანა მასწავლებელთა დიდი რაოდენობის საჭიროება, რასაც ვეღარ უზრუნველყოფდა იმ დროისთვის არსებული სამასწავლებლო სასწავლებლები. პირველი პედაგოგიური ინსტიტუტები მთელ მსოფლიოში უნივერსიტეტებთან არსებობდნენ (როგორც მასწავლებლის მომზადების პროგრამები) და იქ სწავლა არჩევით ხასიათს ატარებდა. ვისაც მასწავლებლობა სურდა, გარკვეული რეგულაციებით, ძირითადი სპეციალობის პარალელურად ან შემდეგ, უნდა გაეცლო მასწავლებლობის პროგრამაც ამ ტიპის უნივერსიტეტში. თუმცა ეს ინსტიტუტები ცალკე არსებობდა, მაგ., საქართველოში, სამასწავლებლო ინსტიტუტი, 1866 წელს გაიხსნა, სადაც სწავლა 3-4 წელი გრძელდებოდა.

1918 წელს პირველი ქართული უნივერსიტეტი დაარსდა. იმდროინდელი მთავრობა, ცხადია, სერიოზულად ფიქრობდა მასწავლებლის მომზადების საკითხებზე და უკვე 1919 წელს, მსგავსად მსოფლიოში არსებული გამოცდილებისა, უნივერსიტეტთან გახსნა პედაგოგიური/საპედაგოგიო/ინსტიტუტი, რომელსაც დიმიტრი უზნაძე ხელმძღვანელობდა. აქვე აღვნიშნავ, რომ ამ ინსტიტუტის დამფუძნებელი პროფესორისა და ინტელიგენციის ყურადღება იყო მიმართული, ის სპეციალური ზრუნვის საგანი იყო, ვინაიდან ყველამ კარგად იცოდა, რომ **თუ მასწავლებელი არ გყავს, ქვეყანას ვერ ააშენებ**. 1921 წლიდან საქართველო საბჭოთა კავშირის ნაწილია. საბჭოთა კავშირი სერიოზული გამოწვევის წინაშე დადგა მოსახლეობის წერა-კითხვის უცოდინრობის თვალსაზრისით. უდიდესი მნიშვნელობა ჰქონდა მასწავლებელთა კორპუსის ჩამოყალიბებასა და გაზრდას. ამიტომ ქვეყანაში მასწავლებლის მომზადების სხვადასხვა გზა არსებობდა.

დანეშობითი სკოლის მასწავლებელს, როგორც წესი, სხვადასხვა ტიპის პროფესიული სასწავლებლები და ქალთა უმაღლესი კურსები (თბილისში 1909 წ. გაიხსნა, ითვლება, რომ ის პირველი უმაღლესი სასწავლებელია საქართველოში) ამზადებდა, ხოლო **საბაზო და საშუალო სკოლის მასწავლებელს**, როგორც წესი, **უნივერსიტეტები ამზადებდნენ და, ამასთან, სავალდებულო წესით**. ანუ, თუ შენ უნივერსიტეტის სტუდენტი იყავი, ძირითად სპეციალობასთან ერთად, აუცილებლად უნდა გაგველო პედაგოგიურ/ფსიქოლოგიური დისციპლინები, პედაგოგიური პრაქტიკა (კურიკულუმის 11%) და უნივერსიტეტის დასრულებისას გენიჭებოდა როგორც ძირითადი სპეციალობის სპეციალისტის, ასევე მასწავლებლის ნადავამ ამ სპეციალობაში. მალე გახდა ნათელი, რომ მზარდი მოთხოვნის პირობებში, მასწავლებელთა ამ კადრის რაოდენობა სრულიად არასაკმარისია და 30-იან წლებში საბჭოთა მთავრობამ მთელი ქვეყნის მასშტაბით უამრავი პედაგოგიური ინსტიტუტი გახსნა, ჯერ 4-წლიანი, ხოლო შემდეგ 5-წლიანი სწავლებით. **პედაგოგიური ინსტიტუტები ამზადებდნენ სკოლამდელი დაწესებულებების აღმზრდელებს და სრული საშუალო სკოლის მასწავლებლებს ყველა საგანსა თუ საგნობრივ ჯგუფში**. 1935 წლიდან საქართველოს 8 ქალაქში გაიხსნა პედაგოგიური ინსტიტუტები (თბილისი, ქუთაისი, გორი, თელავი, ცხინვალი, ბათუმი, სოხუმი, ზუგდიდი), რომელთა ჩამოყალიბებასა და გამართვას თბილისის სახელმწიფო უნივერსიტეტი თაოსნობდა, ბუნებრივია, პედაგოგიკის მეცნიერებათა სამეცნიერო კვლევითი ინსტიტუტის /1929წ./, მეცნიერებათა აკადემიის და ქვეყნის მთელი ინტელიგენციის მონაწილეობით. კიდევ ერთს დავამატებ, რათა ნათელი გახდეს პედაგოგიური ინსტიტუტების გახსნისა და არსებობის აუცილებლობა. **ყველა პედაგოგიური ინსტიტუტისა და უნივერსიტეტის კურსდამთავრებული, უნივერსიტეტის დამთავრებისთანავე, სახელმწიფოს მიერ, სავალდებულო წესით ინიშნებოდა ქვეყნის სხვადასხვა რეგიონში მასწავლებლად და თავდაპირველად, ამ ვალდებულებისგან გათავისუფლება საკმაოდ რთული იყო**. შემდგომში, კადრის დაგროვებასთან ერთად, 70-იანი წლებიდან, ეს რეჟიმი მოსუსტდა, მაგრამ უმუშევარ მასწავლებელთა არმიაც გაიზარდა. ვფიქრობ, ვასაგებად გამოვხატე, რომ **პედაგოგიური ინსტიტუტების გახსნა პედაგოგიური კადრის დეფიციტმა გამოიწვია და სახელმწიფოს ნება და მხარდაჭერაც მასწავლებლის მომზადების პროცესსადმი სერიოზული იყო, რაც, თავისთავად, პროფესიასაც პრესტიჟულს ხდიდა**.

ახლა მივუბრუნდეთ მინისტრის განცხადებას, რომ შეცდომა იყო პედაგოგიური უნივერსიტეტის გაუქმება. ისმის კითხვა, ვინ გააუქმა და რატომ? ასეთი სახელმწიფო რეგულაცია არ არსებობს. ეს უფრო სახელმწიფოს ლიბერალური პოლიტიკის საკითხია უმაღლესი განათლების სფეროში 90-იან წლებში, როცა სახელმწიფო ვეღარ აფინანსებდა უმაღლეს სკოლას და ამიტომ დათმო სადავეები. თითოეულ ინსტიტუტს თავი უნდა გადაერ-



ჩინა, მასწავლებლობა არაპრესტიჟული პროფესია გახდა არსებობისთვის, ეს პროფესია ხელისუფლებასაც დაავიწყდა, სულ უფრო და უფრო მცირდებოდა მასწავლებლობის მსურველთა რიცხვი და პედინსტიტუტები (მასწავლებლის მომზადების უმდიდრესი პროგრამული გამოცდილებით) გაქრობის წინაშე დადგნენ. ადამიანებმა, სახელმწიფოს ნებართვით, გამოსავალი იპოვეს – პედაგოგიური ინსტიტუტები უნივერსიტეტებად გადაკეთდა. სხვათა შორის, პოლიტექნიკურმა ინსტიტუტმაც შეიცვალა სტატუსი, ვინაიდან მაშინ, ინიჟინრობაც არაპრესტიჟული იყო. კითხვის მეორე ნაწილს – **შეაფერხა თუ არა ამ გადაწყვეტილებამ კვალიფიციური კადრების მომზადება?** – ვუპასუხებდი, რომ კვალიფიციური კადრის მომზადება დღეს საქართველოში, როგორც საერთაშორისო კვლევები მოწმობს, ნამდვილად შეფერხებულია, მაგრამ ამის მიზეზი ინსტიტუტების გადაკეთება არ არის, უნივერსიტეტებიც ვერ ამზადებენ კვალიფიციურ კადრს. მიზეზების ანალიზი ამჯერად ჩვენი მსჯელობის თემა არ არის. მაგრამ პედაგოგობის მსურველთა რაოდენობა ნამდვილად სერიოზულად შემცირდა. თუმცა, უნდა აღვნიშნო, რომ ამ უნივერსიტეტებს პედაგოგიური მიმართულება კვლავ პერიოდიტულ მიმართულებათა რანგში აქვთ, თანაც, უნივერსიტეტის სტატუსი თითქოს უფრო მიმზიდველი უნდა იყოს სტუდენტისათვის, მაგრამ პროფესიის არაპრესტიჟულობას ვერ შევლის უმაღლესი სკოლის სტატუსი.

აქვე აღვნიშნავთ, რომ ზოგადი განათლების კანონში ცვლილებების ბოლო რედაქციის თანახმად, მასწავლებლის მომზადების 300-კრედიტიანი ინტეგრირებული საბაკალავრო-სამაგისტრო საგანმანათლებლო პროგრამა, რომელიც სრულდება განათლების მაგისტრის აკადემიური ხარისხით, ნაწილობრივ ნააგავს პედაგოგიური ინსტიტუტის სწავლების მოდელს, იმ თვალსაზრისით, რომ აბიტურიენტი შემოდის არა რომელიმე სხვა პროგრამაზე, არამედ მასწავლებლის მომზადების ხუთწლიანი პროგრამაზე სასურველი საგნის მიხედვით. ანუ, აბიტურიენტი არჩევანს თავიდანვე აკეთებს მასწავლებლის პროფესიაზე ისე, როგორც პედაგოგიური ინსტიტუტის არჩევანს აკეთებდა. თუმცა, ვფიქრობ, რომ ეს მოდელი საგრძნობლად მაინც ვერ გაზრდის მასწავლებლობის მსურველთა რაოდენობას.

– **თქვენი აზრით, როგორ უნდა მოხდეს ახალგაზრდა კადრების სკოლაში შეყვანა თუკი სქემა არ აღიარებს მაინორ პროგრამაგავლილებს პედაგოგებად? მაშინ რა ფუნქცია აქვს ამ პროგრამებს და სად საქმეებიან ისინი?**

– მასწავლებლის მომზადების გაცლიებით უკეთესი მოდელია, საქართველოს ზოგადი განათლების კანონის მიხედვით, **მუხლი 21/3**, პუნქტი: დ) /მასწავლებლებს/ უნდა ჰქონდეთ ეროვნული სასწავლო გეგმით გათვალისწინებული საგნის/საგნობრივი ჯგუფის შესაბამისი ბაკალავრის ან მასთან გათანაბრებული აკადემიური ხარისხი, **ბაკალავრიატის საგანმანათლებლო პროგრამის ფარგლებში გავლილი უნდა ჰქონდეთ მასწავლებლის მომზადების საგანმანათლებლო პროგრამა და უნდა ჰქონდეთ საქართველოს კანონმდებლობით დადგენილი წესით დადასტურებული საგნობრივი კომპეტენცია**.

ეს პუნქტი ეხება ამა თუ იმ საგნის საგანმანათლებლო პროგრამის დამატებით – **minor** პროგრამას და ადასტურებს, რომ თუ სტუდენტი ბაკალავრიატის საგანმანათლებლო პროგრამის სწავლის ფარგლებში /240 კრედიტის ფარგლებში/ გაივლის მასწავლებლის **60-კრედიტიან** პროგრამას და დადგენილი წესით ჩააბარებს გამოცდას შესაბამის საგანში, მას ექნება მასწავლებლობის უფლება. ეს ნიშნავს, რომ **სახელმწიფოს არ აქვს დანახარჯი მასწავლებლის მომზადების ამ მოდელში, ასევე, სტუდენტს არ იხდის დამატებით გადასახადს და, ამასთანავე, სტუდენტს არ ეხარჯება ზედმეტი დრო**. მან მაინც უნდა გაიაროს ის 60 კრედიტი თავისუფალი საგნების ფორმატით, სხვაგვარად ვერ დამთავრებს ბაკალავრიატს. რატომ არ ერჩივნება მას გაიაროს მასწავლებლის საგანმანათლებლო პროგრამა და ბაკალავრიატი დაასრულოს მასწავლებლობის უფლებით? ამას პრაქტიკაც ადასტურებს. **უნივერსიტეტები minor პროგრამის ფარგლებში საკმაოდ რაოდენობის მასწავლებლებს ამზადებენ**. თუმცა აქაც არის საშუალო საგნების მიხედვით. მაგ., დაბალია მოთხოვნა საბუნებისმეტყველო საგნების მასწავლებლობაზე და, ემიშობთ, განათლების, მეცნიერების, კულტურისა და სპორტის სამინისტროს თანამედროვე საგამოცდო პოლიტიკა კიდევ უფრო შეასუსტებს მასწავლებლობის მსურველებს ამ სფეროში, რომ აღარაფერი ვთქვათ აბიტურიენტებზე. რაც შეეხება სქემას, იგი აღარ განსაზღვრავს პროფესიაში შესვლის პირობებს. ასე რომ, კანონის ამგვარი ფორმულირების პირობებში, ვერავითარი სქემა ვერ აუკრძალავს პირს მასწავლებლობას. საქმე ისაა, რომ არც პროფესიულმა და არც ფართო საზოგადოებამ არაფერი ვიციტ რას გვემავს განათლების სამინისტრო. განათლების სამინისტრო თვლის, რომ რეფორმის /უკვე მერამდენე/ ყველა საკითხი თავად, პროფესიული საზოგადოების აზრის

გაუთვალისწინებლად უნდა გადაწყვიტოს და ფაქტის წინაშე დაგვაყენოს. რბილად რომ ვთქვათ, მართვის ამ მოდელით ხელმძღვანელობა უხერხულია თანამედროვე საზოგადოებაში. ამ ფონზე, როგორღა უნდა ვიფიქროთ მასწავლებლის პროფესიის პრესტიჟულობის ამაღლებაზე? თუ მისი აზრი არავის აინტერესებს, მის გარეშე წყვეტენ სწავლა/აღზრდის იმ საჭიროოტო საკითხებს, რომლის უშუალო აღმსრულებელიც იგია?

– **საკმარისია თუ არა კვალიფიციური კადრის მომზადებისთვის შეთავაზებული 60-კრედიტიანი პედაგოგიური მაინორ პროგრამა და თუ არა, მაშინ რა უპირატესობა აქვთ ამ პროგრამის კურსდამთავრებულებს?**

– საბედნიეროდ, ჩვენს ქვეყანაში, პროფესიაში შესვლის რამდენიმე გზა არსებობს და ეს ძალიან კარგია. ზემოთ ორ გზაზე ვისაუბრეთ, ხუთწლიანი პროგრამასა და **minor** პროგრამაზე; რომელს აირჩევს, სტუდენტის გადასაწყვეტია. ვისაც უნდა უნივერსიტეტი ერთჯერადი გამოცდებით და ხუთწლიანი სწავლით მაგისტრის დიპლომით დაამთავროს, ის 300-კრედიტიან პროგრამას აირჩევს, მაგრამ მას მხოლოდ მასწავლებლობის უფლება ექნება და სხვა სპეციალობას (მაგ. ისტორიკოსის) ამ ხუთ წელიწადში ვერ მოიპოვებს. ვისაც ორივე სპეციალობა უნდა, **minor** პროგრამას აირჩევს, რომლის უპირატესობაზეც ზემოთ ვისაუბრეთ. კიდევ არსებობს მასწავლებლის მომზადების **დამოუკიდებელ არსებული 60-კრედიტიანი პროგრამა**, რომელზეც სწავლა შეუძლიათ მათ, ვისაც ბაკალავრიატი ან თუნდაც მაგისტრატურა დამთავრებული აქვთ და შესაბამის საგნის გამოცდაზეც დაუდასტურებიათ კომპეტენცია. როცა საუბრობთ 60-კრედიტიანი პროგრამის საკმარისობის შესახებ, მინდა გითხრათ, რომ ეს 60 კრედიტი მხოლოდ პედაგოგიურ/ფსიქოლოგიურ/მეთოდოლოგიურ დისციპლინები და პედაგოგიური პრაქტიკაა, საგანს ამ პროგრამაზე არ სწავლობენ. საგნის კომპეტენცია დადასტურებული აქვთ გამოცდის სახით ან 60 კრედიტის პარალელურად გადიან ბაკალავრიატში. ამას გარდა, სახელმწიფო დოკუმენტში „მასწავლებლის დარგობრივი მახასიათებელი“ განწერილია ის ძირითადი კომპეტენციები, რომლებიც მასწავლებელს უნდა გააჩნდეს პროგრამის დასრულების შემდეგ. ყველა საგანმანათლებლო პროგრამა, რამდენ კრედიტიანიც უნდა იყოს, ვალდებულია განეროს იქ წარმოდგენილი სწავლის შედეგები. სხვაგვარად, პროგრამა აკრედიტაციას ვერ გაივლის. ასე რომ, შიში რომელიმე პროგრამის აკრედიტაციაზე უსაფუძველო გეგმია. პროფესიაში შესვლის სხვადასხვა გზა აუცილებელია მოქალაქის ინტერესებისა და შესაძლებლობების გათვალისწინებით და მინიმალურ პრობლემებს უქმნის მასწავლებლის პროფესიით დაინტერესებულ პირს. ჩვენი უნივერსიტეტის გამოცდილებით შემიძლია ვთქვა, რომ ძალიან კარგად მუშაობს ორივე – დიდი ინტერესის როგორც მასწავლებელთა მომზადების **minor**, ისე დამოუკიდებლად არსებულ **60-კრედიტიან** პროგრამაზე.

– **რატომ უნდა აირჩიოს სტუდენტმა მაინორად თქვენი პროგრამა? რა არის თქვენი ფაკულტეტის ფუნქცია?**

– ჩვენი მიმართულების ფუნქცია ძირითადად ორ მსხვილ კომპონენტად ჩაიშლება – მასწავლებლის და განათლების მეცნიერებების სპეციალისტების მომზადება. ვისაც აინტერესებს ან ერთი, ან მეორე სპეციალობა, ჩვენი, ფსიქოლოგიისა და განათლების მეცნიერებათა ფაკულტეტი ყველა ფორმატის პროგრამას სთავაზობს. როგორც ზემოთ აღვნიშნე, დამატებითი (**minor**) ბაკალავრიატის 240 კრედიტის ინტეგრირებული სამასწავლებლო 60-კრედიტიანი პროგრამა იძლევა უნივერსიტეტის მანქანის, სტუდენტს დიპლომით მიენიჭოს ამა თუ იმ დარგის სპეციალისტის კვალიფიკაცია და, იმავდროულად, თუკი ეს საგანი კორელაციამა ესგ-ით გათვალისწინებულ ძირითად საგნობრივ ჯგუფებთან, მიეცეს უფლება, საგნობრივი კომპეტენციის დადასტურების შემთხვევაში, უფროსი მასწავლებლის სტატუსით შევიდეს ნებისმიერ ზოგადსაგანმანათლებლო სკოლაში. რაც შეეხება უშუალოდ ჩვენი დამატებითი პროგრამის არჩევას, როგორც დასაწყისში აღვნიშნე, ჩვენი ძლიერი მხარეა მასწავლებლის მომზადების პროგრამების განხორციელების კოლოსალური გამოცდილება, ჩვენი პროფესორ-მასწავლებლების თითქმის აბსოლუტური უმრავლესობა, იმავდროულად, მოქმედი პედაგოგია ან აქვს სკოლაში სწავლების მრავალწლიანი გამოცდილება. ასევე, ნაყოფიერად ფუნქციონირებს პედაგოგიური პრაქტიკის საკვლევო კომპონენტი, რაც ითვალისწინებს როგორც სააუდიტორი, ისე თბილისისა თუ რეგიონის სკოლებში (100-მდე სკოლასთან გაფორმებულია ურთიერთთანამშრომლობის მემორანდუმები) აქტიურ პედაგოგიურ პრაქტიკას. შესაბამისად, ვფიქრობთ, რომ თსუ-ის ნებისმიერი სტუდენტი, რომელიც ბაკალავრიატში სწავლის პროცესში თავის არჩევანს შეაჩერებს მასწავლებლობაზე, სწორედ **minor** პროგრამის საშუალებით შეძლებს ღირსეულად დაეუფლოს პედაგოგის ურთულეს და ერთ-ერთი ყველაზე მაღალი პასუხისმგებლობის პროფესიას.

თუ პათეტიკურობაში არ ჩამომართმევთ, ვიტყვი, რომ რეგიონული თუ საერთაშორისო სოციალურ-ეკონომიკური თუ პოლიტიკური გამოწვევების წინაშე მყოფი ჩვენი ქვეყანა თავისი განვითარების საკმაოდ გარდამტეხ ფაზაში იმყოფება. ეს პროცესები თავისთავად აისახება განათლების სექტორზეც, რომელიც, რბილად რომ ვთქვა, უკეთესის სურვილს ტოვებს. სწორედ ასეთ ვითარებაში გადაინაცვლებს ხოლმე ძირითადი საყრდენი სკოლასა და სამასწავლებლო კორპუსზე. ისინი მიაჩნია საზოგადოებასა და სახელმწიფოს თავის მიერ დამკვეთულ შეცდომებით განპირობებულ შედეგებთან გამკლავებულ ძალად. ამიტომ არის მასწავლებლობა რთული პროფესია, ამიტომ უნდა აირჩიონ აბიტურიენტებმა მასწავლებლის პროფესია, ამ გზით უნდა ემსახურონ თავიანთი სამშობლოს ყველაზე მნიშვნელოვან საყრდენს.

ინფორმაცია

ზრდასრულთა განათლების ახალი სისტემა

განათლების რეფორმის ფარგლებში, საქართველოს განათლების, მეცნიერების, კულტურისა და სპორტის სამინისტრო, კერძო სექტორთან თანამშრომლობით, ახალ პროექტს იწყებს. ახალი ინიციატივა მიხეილ ბატიაშვილმა მცირე, საშუალო და მსხვილი ბიზნესის წარმომადგენლებს გააცნო, რომლებმაც, თავის მხრივ, გამოთქვეს მზადყოფნა, ხელი შეუწყონ ახალ ინიციატივას, რათა ქვეყანაში კვალიფიციური სამუშაო ძალა განვითარდეს.

სწრაფი ტემპი, უნარების შესაბამისობის კუთხით, ეკონომიკურად აქტიურ მოსახლეობას არაერთი გამოწვევის წინაშე აყენებს, ახალი კანონისა და ახალი ინიციატივის ფარგლებში, სამინისტრო გეგმავს ისეთი მექანიზმების ამუშავებას, რომლებიც მოსახლეობას მოკლე დროში დასაქმებისთვის საჭირო უნარების გაუმჯობესებაში დაეხმარება. მომზადება-გადამზადების კურსების ფორმალიზების შედეგად:
• კურსდამთავრებულებს მიეცემა სახელმწიფოს მიერ აღიარებული სერტიფიკატი;
• ზრდასრულთა განათლების სისტემის განვითარების მიზნით, მოკლევადიანი პროგრამების განხორციელების უფლების მოპოვება კერძო კომპანიებსაც შეეძლება;

• სახელმწიფოს მიერ დაფინანსდება ის პრიორიტეტული მიმართულებები, რომლებიც მაღალი დასაქმების პოტენციალის მქონე სფეროდ იქნება აღიარებული;
• პროგრამები განხორციელდება პრაქტიკული სწავლების ფორმატით (სამუშაოზე დაფუძნებული სწავლება). შეხვედრაზე, რომელსაც სამშენებლო, მომსახურების, საინფორმაციო ტექნოლოგიების და სხვა სფეროების კერძო ბიზნესის დამსაქმებლები ესწრებოდნენ, სამინისტროსთან მჭიდრო თანამშრომლობის ფორმატზე და სამომავლო გეგმებთან დაკავშირებით, სისტემატურ შეხვედრებზე შეთანხმდნენ. მსმენელთა რეგისტრაცია აჭარის, სამეგრელოს რეგიონებსა და თბილისში, 25 მარტიდან, სამშენებლო და საინფორმაციო ტექნოლოგიების მიმართულებით არსებული პროგრამებით დაიწყება, სადაც 400-ზე მეტი თავისუფალი ადგილია.

საშურში სპორტული კომპლექსი გაიხსნა

საშურში, იმერეთის ქუჩაზე (№ 103) გაიხსნა ახლად აშენებული მრავალფუნქციური სპორტული კომპლექსი, რომელში მომზადებასაც შეძლებს სხვადასხვა სპორტის სახეობის 1500-ზე მეტი სპორტსმენი. ახალ სპორტის სასახლეში კეთილმოეწყო საკალათბურთო, ფუტსალის, საჭიდაო, ძალოსნობის და ფიტნეს დარბაზები. შენობის მეორე სართულზე განთავსებულია საჭადრაკო ოთახი და სატრენაჟორო დარბაზი. დასრულებულია მცირე საკონფერენციო დარბაზისა და კაფესასადილოს მოწყობაც. შენობაში განთავსებულია 40 ადამიანზე გათვლილი სასტუმრო. სპორტული კომპლექსი ყველა თანამედროვე სტანდარტს პასუხობს და ადაპტირებულია შშმ პირებზე.

რისა და სპორტის მინისტრის მოადგილე შალვა გოგოლაძე, რეგიონული განვითარებისა და ინფრასტრუქტურის მინისტრის მოადგილე ილია ბეგიაშვილი, სახელმწიფო რწმუნებული შიდა ქართლის მხარეში გიორგი ხოჯევანიშვილი, საშურის მუნიციპალიტეტის მერი გიორგი გურასპაშვილი, საშურის მუნიციპალიტეტის საკრებულოს თავმჯდომარე მიხეილ ჯანაშვილი, ოლიმპიური კომიტეტის პრეზიდენტი ლერი ხაბელოვი, პარლამენტის წევრი, ოლიმპიური ჩემპიონი ძიუდოში შოთა ხაბარელი, გორის მაჟორიტარი დეპუტატი, ორგზის მსოფლიოს ჩემპიონი ასევე ძიუდოში თემურ ხუბულური და სხვადასხვა სპორტული ფედერაციების წარმომადგენლები. სპორტული კომპლექსის მშენებლობა ადგილობრივი ბიუჯეტის და სახელმწიფო ბიუჯეტიდან მიღებული სახსრებით განხორციელდა. სამშენებლო პროცესი რეგიონული განვითარების ფონდმა განახორციელა. პროექტის ღირებულებამ 2 292 455 ლარი შეადგინა.



ფესვები

„თურმე ერთი წმინდანი, დედა მარია, მთელი ცხოვრება მხოლოდ მცენარეთა ფესვებით იკვებებოდა და როდესაც ჰკითხეს, რატომ იკვებებოდა ფესვებით, განაცხადა, რომ ფესვები უმთავრესია. თქვენ ჩვენი ფესვები ხართ, უკვდავი და სიცოცხლის მომნიჭებელი ფესვები...“ – ამ თბილი და სიყვარულით სავსე სიტყვებით დაიწყო გაზაფხულის პირველი თვის დღესასწაული სათნოების სახლში „კათარზისი“, სადაც მსცოვანი ადამიანების მისალოცად და მხარდასაჭერად მივიდნენ აფხაზეთიდან დევნილი ახალგაზრდები, აფხაზეთის მთავრობისა და უმაღლესი საბჭოს წევრები, აფხაზეთის განათლებისა და კულტურის სამინისტროს წარმომადგენლები. „თქვენ ჩვენ გვჭირდებით“ – ამ სახელწოდებით განხორციელდა საქველმოქმედო შემოქმედებითი საღამო, აფხაზეთის განათლებისა და კულტურის სამინისტროს სახელოვნებო განათლების განყოფილების ინიციატივით. მასში 100-ზე მეტი ბენეფიციარი მონაწილეობდა. პროექტის მონაწილეებს გაზაფხულის დღესასწაული მიულოცეს აფხაზეთის მთავრობის თავმჯდომარემ, ვახტანგ ყოლბაიამ, უმაღლესი საბჭოს თავმჯდომარემ, გია გვაზაგამ, აფხაზეთის მთავრობის კულტურის განყოფილების უფროსმა, მარინა შენგელიამ, უმაღლესი საბჭოს დეპუტატმა, თემურ ბუაჯიამ, სახელოვნებო განათლების განყოფილების უფროსმა, ნინო ნასიძემ, ჟურნალისტმა, ნატო კორსანტიამ, ახალგაზრდობის შემოქმედებითი კავშირის „ახალგაზრდობა, მშვიდობა და განვითარება“ საკოორდინაციო საბჭოს თავმჯდომარემ, შალვა ბერიანიძემ, პოეტმა, ტარიელ მუმლაძემ, კათარზისელებმა – ნონა კაჭარავამ, თინათინ ასტანიძემ, ნიკო მუმლაძემ და სხვებმა. სათნოების სახლის დირექტორის მოადგილემ, გულიკო რომანიშვილმა, თავის გა-



მოსვლაში, ხაზი გაუსვა აფხაზეთის მთავრობის უმაღლესი საბჭოს და განათლებისა და კულტურის სამინისტროს განსაკუთრებულ მხარდაჭერას და თანადგომას მარტოხელა და მზრუნველობამოკლებული, ხანდაზმული ადამიანების მიმართ, რომელთაც ყველაზე მეტად სჭირდებათ ყურადღება და სიყვარული საზოგადოებისა და ახალგაზრდა თაობისაგან. მაღლობა გადაიხადა მათ მიმართ გამოჩენილი მატერიალური და სულიერი დახმარებისთვის (მარტის პირველ კვირას კათარზისელებს მასპინძლობა გაუწია აფხაზეთის ა/რ მთავრობამ. აფხაზეთის განათლების სამინისტროს მიერ შექმნილ იქნა სამზარეულოსთვის საჭირო ინვენტარი. კულტურის და ხელოვნების ცენტრმა (ხელმძღვანელი – ირმა ირემაძე) კათარზისელებს საჩუქრად 150 სხვადასხვა დასახელების მხატვრული ლიტერატურა გადასცა). ხანდაზმულ თანამემამულეთა პატივსაცემად გამართულ საღმრთო საღმრთო საღამო კონცერტში მონაწილეობდნენ: ფოლკლორის ეროვნული სკოლის ანსამბლი „ოდოშერი“, „კათარზისის“ სიმღერის გუნდი (ხელმძღვანელი – ილია ნიშნიანიძე), მოსწავლე ახალგაზრდობის ეროვნული სასახლის სამეჯლისო ცეკვების ანსამბლი „გაზაფხული“. ინდივიდუალურმა შემსრულებლებმა ქართული ხალხური სიმღერები და ცეკვები შეასრულეს. შეხვედრის დასასრულს ღონისძიების მონაწილეებს, უწმინდესის და უნეტარესის ლოცვა-კურთხევით, საპატრიარქოს წარმომადგენელმა, ნელი ჯიქურმა საჩუქრად გა-

დასცა ხატები, კელაპტრები, საშობაო და სააღდგომო ეპისტოლეები. აფხაზეთის მთავრობის თავმჯდომარემ, ვახტანგ ყოლბაიამ კიდევ ერთხელ მიულოცა დედის დღე ქალებს და გაზაფხულის ყვავილების თაიგულით მთავრობის საჩუქრად. დარბაზში გამოფენილი იყო ნიჭიერი შემოქმედი ახალგაზრდის, სოხუმელი საბა ჩიღოშვილის თემატური ნამუშევრები. „სიბერე შიში არ არის, მოახლოებული სიკვდილის შიში, სიბერე ახალი სიცოცხლის დასაწყისის პირველი საფეხურია, სიბერე ქვეყნისა და ერის წინაშე ვალდებულ ადამიანების სიბრძნე და გონიერება, მაგალითის მიმცემია მომავალი თაობებისთვის, რომლებმაც უნდა გაამთლიანონ, გააძლიერონ და ააღორძინონ ჩვენი სამშობლო...“ – ამ იმედიანი და მშვიდობიანი სურვილებით დასრულდა დღე „კათარზისში“, რომელიც მსცოვან ადამიანებს მიეძღვნა.

იწონარა პარაია აფხაზეთის განათლებისა და კულტურის სამინისტროს სახელოვნებო განათლების განყოფილების უფროსი სპეციალისტი

P.S. პროექტის ფარგლებში, აფხაზეთის №3 და №2 საჯარო სკოლების უფროსკლასელები და კომპაქტურად ჩასახლებული აფხაზეთიდან დევნილი ახალგაზრდობა, სპეციალურად შექმნილი განრიგის მიხედვით, ყოველდღიურად, ორი კვირის მანძილზე, მოემსახურებიან კათარზისელ ბენეფიციარებს.



ინფორმაცია

მოსწავლეთა სასწავლო-შემოქმედებითი კონფერენცია

2 მარტს, საგარეჯოს მოსწავლე ახალგაზრდობის სახლში, მოსწავლეთა 73-ე სასწავლო-შემოქმედებითი კონფერენციის ზონალური ტური ჩატარდა. კონფერენციაში მონაწილეობდნენ საგარეჯოს, დედოფლისწყაროს და სიღნაღის მუნიციპალიტეტების მოსწავლე ახალგაზრდობის სახლების, საჯარო და კერძო სკოლების მოსწავლეები.

დღეს ძალიან დიდი მნიშვნელობა აქვს მოსწავლე ახალგაზრდობის სხვადასხვა აქტივობებში მონაწილეობას, მათი ცოდნის დონის ამაღლებას, პრეზენტაციისა და საჯარო გამოსვლის ხელოვნების დახვეწას. საგნობრივი და მსგავსი ტიპის კონფერენციები სწორედ ამ უნარების განვითარებას უწყობს ხელს. ასევე მნიშვნელოვანია აზრთა გაცვლა-გამოცვლა, ძიება, დაზუსტება და ფორმალური მასალის მსმენელამდე მიტანა, თანამოაზრეების მოძიება, მასწავლებელ-მოსწავლის ურთიერთთანამშრომლობა – მინი-სამეცნიერო ნაშრომის მომზადება.

უკვე რამდენიმე წელია, ჩვენი ქვეყნის მოსწავლე ახალგაზრდობის სახლებსა და სასახლებს შორის ურთიერთთანამშრომლობის მემორანდუმი გაფორმდა. მოსწავლე ახალგაზრ-

დობის პიროვნული ზრდის, სიახლეების დანერგვის და საზოგადოების სრულფასოვანი მოქალაქის აღზრდის საქმეში მნიშვნელოვანია როგორც უფროსების კოლეგიალური, ჯანსაღი ურთიერთობების ჩამოყალიბება, ასევე თანატოლთა მანათლებლობის გაძლიერება. ჩვენი რეგიონული კონფერენცია 73-ე რესპუბლიკური კონფერენციის წინა ეტაპი გახლდათ. ვიდრე სექციებში დაიწყებოდა მუშაობა, გამოცდილების გაზიარების მიზნით, საგარეჯოს მოსწავლე ახალგაზრდობის სახლის „ლიდერთა კლუბის“ წევრები, მარიამ და ნუცა გაგნი-აშვილები სტუმრების წინაშე საგარეჯოს მოსწავლე ახალგაზრდობის სახლის პროექტებისა და მუშაობის შესახებ პრეზენტაციით წარდგინეს, ესაუბრნენ სხვადასხვა პროექტებზე, რომლებიც „ლიდერთა კლუბის“ ინიციატივით ხორციელდება საგარეჯოს მუნიციპალიტეტში, ასევე, პარტნიორებზე, მოხალისეებსა და მოხალისეობრივი აქციების შესახებ.

კონფერენციის მონაწილეებს მიმართეს სიღნაღის მუნიციპალიტეტის მოსწავლე ახალგაზრდობის სახლის დირექტორმა, ნელი დალაქიშვილმა, დედოფლისწყაროს მუნიციპალიტეტის მოსწავლე ახალგაზრდობის სახლის დირექტორმა, თამარ ლაბაშვილმა, სტუმრად მოწვეულმა ახალგაზრდა ისტორიკოსმა, გიორგი ახალკაციშვილმა.

კონფერენციაზე 11 საგნობრივი სექცია მუშაობდა. ძალიან საინტერესო თემები იყო წარმოდგენილი. სექციის ხელმძღვანელების მიერ რეცენზირებული ნამუშევრები განსახილველად რესპუბლიკურ კონფერენციაზე გაიგზავნა.

პირველი რეგიონული კონფერენციის დახურვაზე, საგარეჯოს მოსწავლე ახალგაზრდობის სახლის დიპლომები და მადლობის ფურცლები გადაეცათ: მონაწილეებს და მათ პედაგოგებს, სექციების ხელმძღვანელებს და მოსწავლე ახალგაზრდობის სახლის დირექტორებს, ასევე, მადლობის ფურცლები და ფასიანი საჩუქრები, რომელიც საგარეჯოს მუნიციპალიტეტის მერიის ახალგაზრდული სამსახურის მიერ დაფინანსდა.

საგარეჯოს მოსწავლე ახალგაზრდობის სახლი მადლობას უხდის კონფერენციის მონაწილეებს, მათ პედაგოგებს და მშობლებს, სტუმრებს საინტერესო და საქმიანი დღისთვის. ჩვენი თანამშრომლობა კვლავ გაგრძელდება – პროექტების და პროგრამების განყოფილების მიერ დაგეგმილ პროექტებში,



ვფიქრობთ, აქტიურად ჩაერთვებიან სიღნაღისა და დედოფლისწყაროს მუნიციპალიტეტების მოსწავლე ახალგაზრდები.

თამარ ჯაბადარი

ა(ა)იპ საგარეჯოს სკოლისგარეშე დაწესებულებათა გაერთიანების დირექტორი



სასკოლო აქტივობა

დანიელი სტუმრები სკოლაში

„4 მარტს, ჩვენი სკოლის XI^ბ კლასმა დანიელ სტუმრებს უმასპინძლა. მე მხვდა წილად, სკოლის ისტორია გამეცნო მათთვის და მესაუბრა იმ წარმატებასა და ინოვაციურ მეთოდებზე, პროგრამებსა და პროექტებზე, რაც ბოლო ორი წლის განმავლობაში ჩვენი სკოლის საზოგადოებამ – მასწავლებლებმა და მოსწავლეებმა განვახორციელეთ. გამიხარდა, რომ დანიელი მოსწავლეებისთვის ჩვენი საქმიანობა შთაბეჭდილი და საინტერესო იყო. ვიმსჯელებთ სამომავლო პერსპექტივებსა და ერთობლივად განსახორციელებელ გაცვლით პროექტებზე. მადლობა საქართველოს პედაგოგთა და მეცნიერთა თავისუფალ პროფკავშირს, რომ მოგვცა საშუალება, დავახლობოდით უცხოელ თანატოლებს, გავგეგვალა ჩვენი შეხვედრები ყველა იმ საკითხსა და პირობაზე, რაც უმნიშვნელოვანესია ჩვენითვის. ამ შეხვედრით საგანმანათლებლო გაცვლითი ურთიერთობის ხიდეები გავედით.“

ნიკოლოზ ელიზაბაშვილი

„ჩვენი ლიტერატურული კლუბის, „წერო 24“-ის ფარგლებში არაერთი საინტერესო,

საგანმანათლებლო-შემეცნებითი ღონისძიება მოგვიმზადებია. ყოველი მათგანი ღრმა ემოციითა და დაუვიწყარი შთაბეჭდილებით გვატყდა. მათგან გამორჩეულია დანიელ სტუმრებთან – პედაგოგებთან და სტუდენტებთან შეხვედრა-დისკუსია. ამ ვიზიტის ფარგლებში, 24-ე საჯარო სკოლაში, კიდევ ერთხელ წარმოადგინა ჩვენი ქვეყანა, მისი განსაკუთრებული კულტურა, ტრადიციები, წარსული და დღევანდელი. ვფიქრობთ, დანიელი სტუმრები ძალიან კმაყოფილები დარჩნენ. როგორც ეს უმეტესობამ აღნიშნა, მათ აქვთ სურვილი საქართველოში კიდევ ერთხელ დაბრუნებისა. ეს გამომწვეულია ყველა იმ აქტივობით, რაც მოისმინეს და იხილეს აქ ყოფნის პერიოდში.

მათთან საუბრისას მიხვდით, ინგლისურს როგორც სამეტყველო, ისე ლიტერატურულ ენას ნამდვილად ვფლობთ. სასიამოვნო იყო თანაკლასელების მოსმენა, რომლებიც გაკვეთილის მსვლელობისას მსჯელობდნენ საქართველოს წარსულსა და მომავალზე, ისტორიულ სიმართლესა და სადღეისო პრობლემებზე. რა თქმა უნდა, ვერ ავცდებოდით ოკუპაციის



თემას – აფხაზეთისა და სამაჩაბლოს ტერიტორიას. მე, როგორც ერთ-ერთი მხილველი ამ საშინელებისა, მსოფლიოს მოუწოდებ: მშვიდობა სამყაროს ბედნიერების სიმბოლოა.“

ანა მამინაშვილი

„ამა წლის 4-6 მარტს ჩვენს სკოლას დანიელი სტუმრები ეწვივნენ. ისინი ინგლისურ ენისა და ლიტერატურის გაკვეთილს დაესწრნენ. სრულიად მოულოდნელი იყო მათი ვიზიტი და როდესაც გავაფრთხილეს, რომ ჩვენს გაკვეთილს მოისმენდნენ, პედაგოგ მაია თურქიაშვილთან ერთად, მოვიფიქრეთ თემატიკა: „საქართველო ევროპასა და აზიას შორის“. ამდენად, ვერ ავცდებოდით ქვეყნის ეკოლოგიურ-გეოგრაფიულ კლიმატსა და მდებარეობას, მისი განვითარების ეტაპებს, სახასიათო ნიშნულებსა და რა თქმა უნდა, საქართველოს მისიას ცივილურ სამყაროში. ამ ინფორმაციის მომზადებისას, კიდევ ერთხელ ვირწმუნე ჩემი სამშობლოს უნიკალურობა, თუმცა კარგად გვესმის, რომ ქვეყნის სადღეისო ვითარება ნაკლებად პოზიტიურია. ვერ კიდევ ბატონი ზურაბ ჟვანიას პრემიერობისას, სწორად იყო გავლენილი ნიშნული საქართველოს ადგილისა მსოფლიოს სივრცეში: „მე ვარ ქართველი, მაშასადამე მე ვარ ევროპელი.“ – ეს ფრაზა ნამდვილად ამართლებს.“

ნიმე თოდუა

„დღევანდელი სამყარო ღიაა და უფრო გამჭვირვალე შემეცნებისთვის, განათლებისთვის, კულტურული ურთიერთობებისა და სპორტული ასპარეზობისთვის. უფროსები ხშირად აღნიშნავენ, რომ XXI საუკუნის ახალგაზრდობა თავისუფალი და გაცილებით პერსპექტიულია, ეს ასეც უნდა იყოს, რადგან ის პირობები, რაც დღეს გვაქვს, სხვა თაობებს

ვერც წარმოედგინათ. ამის ნათელი დასტურებია, თუნდაც, ჩვენს სკოლაში დანიელი სტუდენტებისა და მათი პედაგოგების მოსვლა. დანიის სტენჰაუზის გიმნაზიის წარმომადგენლები ნამდვილად იმსახურებენ ჩვენს შექებას: განსაკუთრებით აღსანიშნავია მათი მოსმენის კულტურა და უცხო გარემოსთან შეგუების პირობა.

მათთან უფრო სხვა დატვირთვით თანამშრომლობა მომიხდა, როგორც ლიტერატურული კლუბის „წერო 24“ კოორდინატორ მოსწავლეს – 2017-18 წლებში განხორციელებული აქტივობების პრეზენტაცია: „XXI საუკუნე და ლავოდების ნაკრძალი“, „კალანდობა 2018“, „ექვთიმე ლვისკაცი და 24-ე საჯარო სკოლა“, „სერგო ფარაჯანოვი – მსოფლიო მნიშვნელობის რეჟისორი“. სულ სხვადასხვა მიმართულებით წარმოდგენილმა პროექტებმა ისინი მოხიბლა და შეიძლება ითქვას, მოაჯადოვა კიდევ. როგორც აღნიშნეს, ამდენს არ ელოდნენ. ჩვენ კი არ შეგვეძლო ლიტერატურული კლუბის საქმიანობა ქართული ცეკვითა და სიმღერის ფრაგმენტებით არ დაგვესრულებინა, მით უფრო, რომ გოგი დოლიძის, როგორც ოცდამეოთხელის, საშემსრულებლო კულტურა გვინდოდა გვეწვევებინა.

მადლობა მინდა ვუთხრა სკოლის დირექციასა და ადმინისტრაციის წარმომადგენლებს (დირექტორის – გიორგი კაკაბაძე), ინგლისური ენისა და ლიტერატურის მასწავლებელს – მაია თურქიაშვილს, ასევე ქართული ენისა და ლიტერატურის მასწავლებელს და, ამავდროულად, კლუბის ხელმძღვანელს – თამარ ბარისაშვილს. რომ არა მათი მხარდაჭერა, ჩვენი შესაძლებლობები ამდენს ვერ გასწვდებოდა.“

ლიკა შაკიაშვილი



სპორტი

მედლები, რეკორდები



ლას ვეგასში მიმდინარეობს მსოფლიო ჩემპიონატი ახალგაზრდა ძალოსანთა შორის, სადაც მხოლოდ ორი მონაწილე გვყავს, რადგან მესამეს ამერიკულმა მხარემ ვიზა არ მისცა. ჩვენები ასეთი მცირე გუნდითაც წარმატებით ასპარეზობენ. კერძოდ, გურამ გიორბელიძემ, რომელიც 67 კილოგრამში მსოფლიოს ვიცე-ჩემპიონი გახდა, მცირე ვერცხლის მედალი აკურავს მოიპოვა. ამასთან, აკურავს და ორჭიდაში ნაჩვენები შედეგები ევროპის რეკორდები გამოდგა, ხოლო ატაცში საქართველოს რეკორდი დაამყარა.

ისტორიისკენ ნასროლი ბირთვი

სლოვაკეთის ქალაქ შამორინში ქართული მძლეოსნობისთვის ისტორიული გამარჯვება მოიპოვა გორელმა ბირთვის მკვრელმა, ეროვნული ნაკრების წევრმა, გიორგი მუჯარძემ. შამორინში ჩატარდა ევროპის თასი 23-წლამდე მძლეოსანთა შორის ტყორცებში. გორელმა მძლეოსანმა ბირთვი ყველაზე შორს - 20.27 მეტრზე გაიქნია და ოქროს მედალი მოიპოვა.



ხუნჯუამ ისტორია დაწერა



ისტორიული წარმატებების მოპოვებაში სხვებს არც მოკრივეები ჩამორჩნენ - 12 მარტიდან მოყოლებული, ევროპის მედალოსანი 22-წლამდე გოგონებშიც გვყავს - ანა ხუნჯუა. აღნიშნულ ასაკში ევროპის პირველობა ვლადიკავკაზში მიმდინარეობს, სადაც საქართველოდან ბიჭების 7-კაციან გუნდთან ერთად ერთი გოგონა, ანა ხუნჯუაც გამოდის 54 კილოგრამში. საქართველოს პირველი მედალიც არა ბიჭებმა, არამედ სწორედ მან მოიპოვა - მინიმუმ, ბრინჯაო გაინაღდა, თუმცა ასპარეზობა ჯერ არ დაუსრულებია და არაა გამორიცხული, უფრო მაღალი სინჯის ჯილდოსაც შესწვდეს. ხუნჯუა ასპარეზობაში 12 მარტს ჩაება და ბელარუსი ალექსანდრა კარპოვიჩი დაამარცხა, რითაც, მინიმუმ, ბრინჯაო გაინაღდა. საქართველოს, ქალთა კრიგში, ჯერ მსგავსი წარმატება არ მოუპოვებია.

ყინულოვანი სეკვა

ზამთარი უკვე გავიდა, მაგრამ ზამთრის სპორტის ყველაზე გრაციოზულ სახეობაში - ფიგურულ ციგურაობაში, მნიშვნელოვანი შეჯიბრებები ახლა ჩატარდება და საქართველომ „ყინულზე ცეკვაში“ რამდენიმე ისტორიული წარმატებაც მოიპოვა. თავდაპირველად ეს მორის ყვითელაშვილმა გააკეთა - კრასნოიარსკში ჩატარებულ ზამთრის 29-ე უნივერსიადაზე ფიგურულ ციგურაობაში ბრინჯაოს მედალი დაისაკუთრა, მსგავსი შედეგი კი აქამდე „თეთრ უნივერსიადებში“ არ გვექონია.


ზამთრის ახალგაზრდულ ოლიმპიურ თამაშებს, გაისად 9-23 იანვარს, შვეიცარიული ლოზანა უმასპინძლებს, იქ გამოსვლის უფლება კი ჩვენებიდან, პირველად, სპორტულმა წყვილმა მოიპოვა. კაზაკოვა-რევისა წყვილმა, აჭარულის მოტივებზე, მშვენიერი საცეკვაო პროგრამა დადგა, ტექნიკურადაც კარგად შეასრულეს და 24 ქვეყნის 31 წყვილს შორის, 155.4 ქულით, საპატიო მე-6 ადგილზე გავიდნენ.



რუბრიკას უძღვება ირაკლი თაყაიძე

ნიგნის თარო

გამომცემლობა „ახალი განათლება“ გთავაზობთ



ფასდაკლება

„ინტელექტი“ და „არტანუჯი“ გთავაზობთ



ეროვნული გამოცდების სივლეტი გიორგი მემურაძის მიერ, კონსტანტინე ბარბაქაძის მიერ



გავიგეოროთ მათემატიკა II-III ნაწილი

ნიგნი დანერგულია აბიტურიენტებისა და მასწავლებლებისთვის. მასალა დამატებითი პროგრამის მიხედვით და გადმოცემულია გამომცემლის, ანალიზის, ალბათობისა და სტატისტიკის საკითხები.



ნიგნი I V-XVIII სს მწერლობა
ნიგნი II XIX საუკუნის მწერლობა
ნიგნი III XIX საუკუნის მწერლობა

თითო ტომის ფასი – 13 ლარი

ხელმოწერის თანხა გადმოირიცხეთ რეკვიზიტებზე:
მიმღები – შპს „ახალი განათლება“, ს/კ 202058735,
ა/ა GE93LB0113314052305000, ს/ს „ლიბერთი ბანკი“, ბ/კ LBRTGE22
შეკენის მსურველები დაგვიკავშირდით:
555 411 668, 599 88 00 73, 032 295 80 23

ბავშვ სულაქაურის გამომცემლობა

ნაგვილი და მოგონილი აგები

სერიის შემადგენელი I-VI კლასების მოსწავლეებისათვის, „კითხვის საათის“ სპეციალური გამოცემის ნაგვი.



სერიის ფასი – 32.40ლ

პროფესიული უნარები თეორიული მასალა



15 ლარი

პროფესიული უნარები ტესტები



15 ლარი

ასოსიასი „ზეპარი“ ნაკრებიდან მასწავლებლის გიგლიოთიკას

ინოვაციური გაკვეთილები დაწყებით კლასებში



6.50 ლარი

სასწავლო პროექტები



11 ლარი

ქართული (I-VI კლასი) მასწავლებლის გამომცემლისთვის




11 ლარი

ინტერაქტიული მეთოდების კრებული



6 ლარი

კათედრის გაგების პროცედურა



6 ლარი

მასწავლებლის კალენდარი 2017



5.50 ლარი

სწავლის დაწყების კვალი



14 ლარი



მთავარი რედაქტორი: მარიკა ჩიქოვანი

მისამართი: თბილისი, აკ. წერეთლის გამზ. №126, სართული II, ოთახი №14

ტელ.: 032 295 80 23, 599 880073

www.akhalianatleba.ge axaliganatleba@gmail.com

რედაქციის საბანკო რეკვიზიტები: შპს „ახალი განათლება“
ს/კ 202058735, ა/ა GE86BG000000123631000GEL, ს.ს. „საქართველოს ბანკი“ ბ/კ BAGAGE22,
რედაქციაში შემოსული ხელნაწერები არ რეცენზირდება და ავტორებს არ უბრუნდება.

ISSN 2233-386X



9 772233 386008 >

ფასი – 1 ლარი 90 თეთრი